

# *UZAO WA NYOKA*

¶ . . . Mungu, Mungu aliye mkuu na mwenye nguvu, Yeye aliyefanya mambo yote kwa nguvu za Roho Wake; na amemleta Yesu Kristo, Mwanawewe wa pekee, aliyejitolea akafa kwa ajili yetu wenye dhambi, Mwenye Haki kwa wasio na haki, kutupatanisha turudi kwenye ushirika huu wa ajabu tulio nao tena pamoja na Mungu. Kama tunavyofundishwa katika Neno lililobarikiwa, ya kwamba tulikuwa na ushirika pamoja Naye kabla ya kuwekwa misingi ya ulimwengu. "Hapo nyota za asubuhi zilipoimba pamoja, na wana wa Mungu walipopiga kelele kwa furaha, nyuma huko kabisa kabla ya kuwekwa misingi ya ulimwengu." Twajuaje kwamba huo hakuwa wakati ule ule ambao Mwana-Kondoo alichinjwa; kwamba hapo Mungu, kwa mawazo Yake matukufu, alituona tukishangilia na kufurahi katika wokovu wetu kwa njia ya Yesu!

<sup>2</sup> Basi, usiku huu, tuna malimbuko tu ya utukufu huo mkuu wa Kiungu ambao utafunuliwa wakati wa Kuja Kwake mara ya pili. Magonjwa yote na huzuni vitaondolewa. Ndipo tutakuwa na mwili kama mwili Wake Mwenyewe wa utukufu, kwa kuwa tutamwona kama alivyo. Hapa tunapoiangalia mikono yetu ikichakaa, nywele zetu zikipata mvi, na mabega yakiinama; tunajua ya kwamba sisi ni binadamu na tunaelekeea mavumbini ambako vichwa vyetu vimeinamishwa sasa, na tulikotoka. Lakini, Bwana Mungu, kama vile tulivyo na hakika Wewe u Mungu, Wewe ulitoa ahadi ya kwamba tungefufuliwa tena katika siku za mwisho, nasi tunaamini jambo hilo.

<sup>3</sup> Kwa uchaji tunasimama kwa imani yetu katika Uwepo Wako, tukija kwa ujasiri kwa maana Yesu alituagiza kufanya jambo hilo. Si juu ya jambo lo lote zuri tulilofanya, kwa maana hatujafanya lo lote jema; bali tunakuja kwa unyenyekevu, tukikiri ya kwamba tunamiliki hazina hii kwa ajili ya neema Yake ambayo tumepewaa. Kwa hiyo, tunakuja tukiomba ya kwamba Wewe utatubariki usiku huu katika kulileta Neno. Kwa maana imeandikwa, ya kwamba, "Mtu hataishi kwa mkate tu, bali kwa kila neno litokalo katika kinywa cha Mungu." Basi na kinywa cha Mungu na kinene usiku huu. Jalia maneno yatoke, na nasihi Hilo lizame ndani kabisa ya mioyo yetu sisi, wasikilizaji, nasi tujazwe na Roho Wako na Uwepo Wako. Kwa maana tunaomba katika Jina la Yesu. Amina.

<sup>4</sup> Le-leo hii na jana, jana usiku, hasa, na leo, tumekuwa tukizungumza juu ya somo, la kwanza, tuliliita, "Kwa Nini Sisi Si Madhehebu." Nasi tulilifanya zito kwa namna fulani, kwa nini sisi si madhehebu, na ni kwanini sisi hatuamini katika madhehebu. Kwa sababu, tunaona jambo hilo katika Biblia, ya kwamba madhehebu kamwe hayakuwekwa na Mungu;

yaliwekwa na ibilisi; na tukalithibitisha jambo hilo kwa Biblia. Na jinsi ambavyo, kwa kupitia madhehebu, kunatokea kosa. Sasa tunasema jambo hili kusahihisha na kuileta maskani hii katika ushirika kwenye Neno la Mungu lililobarikiwa. Ya kwamba, matumaini yetu hayajajengwa juu ya yale madhehebu yasemayo, wala yale mtu ye yote asemayo; yamejengwa juu ya yale Bwana Mungu amekwisha kusema. Na hiyo ndiyo njia tu tunayoweza kusahihishwa kwa njia nzuri.

<sup>5</sup> Basi asubuhi hii, nilikuwa na kanuni tano, ninaamini, kanuni tano mbalimbali za imani ambazo zimekuja kutokana na madhehebu, ambazo katakata hazijanenwa kabisa katika Biblia, ambazo makanisa ya Kiprotestanti yanazitii, na kufundisha kama fundisho; jambo lile lile ambalo kanisa mama kahaba la Katoliki linahubiri, nayo yametoka yakaingia katika kanisa la Kiprotestanti. Nasi tunatii kitu kile kile ambacho ni kinyume po pote katika Neno la Mungu.

<sup>6</sup> Kanisa la kwanza la kimadhehebu, tulilichunguza alasiri ya leo katika historia ya wazee wa Nikea, wa kanisa la Nikea. Baada ya kifo cha wale mitume, wakaja wazee wa Nikea, nao wakaendelea kwa miaka kadha. Miaka mia tatu na ishirini na mitano, na hatimaye li—likafika Nikea, Ufaransa, ambako walikuwa na lile—lile baraza kuu la Nikea. Na kwenye hilo wao wakaanzisha yale mafundisho ya sharti ambayo kanisa Katoliki linayo sasa, na ambayo pia yamepewa Waprotestanti.

<sup>7</sup> Basi kama nilivyo sema katika—katika mafundisho asubuhi ya leo, kila moja ya hizo nyakati za kanisa, mpaka huo—huo wakati wa kanisa la Thesalonike, ile miaka elfu moja mia tano ya nyakati za giza, hakuna hata wakati mmoja ila ule Yeye aliosema, “Mngali mna Jina Langu.”

<sup>8</sup> Na katika upande huu mwengine, hawakuwa katika Kristo tena, walitokeza wakiwa na jina la kimadhehebu, “Katoliki, Luteri, Wesley, Batisti, Presbiteri, Pentekoste,” na kuendelea.

<sup>9</sup> Bali kabla tu ya ule mwisho wa huo wakati, Yeye alisema, “Nimeweka mbele yako mlango uliofunguliwa.” Mnaona? Na huo ndio wakati ambao tunaamini tuko ndani yake hivi sasa, wakati wa mlango uliofunguliwa, katikati ya kuondoka kwa mwisho kwa kanisa la Laodikia.

<sup>10</sup> Ni miaka mia tatu na ishirini na mitano kabisa kufikia lile baraza la Laodikia. Na hapo wakaigiza taratibu hizi kama vile kunyunyizia, kumwagia, na mabatizo ya uongo, roho mtakatifu wa uongo, mambo haya mengine yote. Waliyaingiza.

<sup>11</sup> Ndipo basi wakati Luther, akiwa kasisi, na akiwa ametoka kwenye kanisa la Katoliki, alileta mambo haya pamoja nalo. Na kutokea humo akaja Zwingli, kutoka kwa Zwingli akaja Calvin, kutoka kwa Calvin akatokea Wesley, loo, na kuendelea. Nao wanaendelea tu kupochezana mafundisho haya ya sharti. Basi Mungu anawezaje kuliongoza Kanisa Lake, wakati wanafuata

barabara ambazo Yeye kamwe hata hakuwaletea waongozwe katika hizo?

<sup>12</sup> Pia kumbukeni, katika Ufunuo 17, tulimwona “yule mwanamke.” Sasa maneno haya ni dhahiri. Yameandikwa katika Biblia, kwa hiyo nafikiri ninaweza kuyasema. Ilisema mwanamke huyu alikuwa “kahaba.” Hiyo ina maana kwamba yeye alikuwa mwanamke mwenye sifa mbaya; ya kwamba alipaswa kuolewa na mume fulani, naye akafanya uasherati na ulimwengu. Naye alikuwa ninii... Alikuwa “MAMA WA MAKAHABA,” kwa hiyo yeye alikuwa na binti. Nasi tumechora jambo hilo kijiografia ya kwamba, tukiwa katika... Na pale, mimi mwenyewe, nikiliona jambo hilo kwenye Maandiko, nikiona mafundisho yake na kila kitu, ninaamini Bwana ameliweka mstarini kikamilifu, ya kwamba hilo haliwezi kuwa cho chote kingine ila kanisa Katoliki. Hivyo ndivyo tu inavyowenza kuwa. Nalo lilizaa nini? Makanisa ya Kiprotestanti. Naam, liliyazaa.

<sup>13</sup> Naye alikuwa ameshika kikombe cha mvinyo ya uasherati wake, na alikuwa akiwanywesha wafalme wa dunia. Naye alikuwa mtawala wa dunia nzima, tukinena kiroho. Na hiyo ni kweli kabisa. Hakuna lingine...

<sup>14</sup> Angalieni, hebu, tungeweza kurudi katika Danieli na tuichukue ile sanamu. Angalieni ile sanamu, kile kichwa cha dhahabu, ule ufalme wa Babiloni; shaba...ama fedha, Wamedi na Waajemi; shaba, Alexander Mkuu, na kadhalika, ule Ufalme wa Kiyunani; kisha dola za Kirumi, Rumi ya Mashariki na ya Magharibi, ile miguu miwili.

<sup>15</sup> Basi angalieni katika falme hizi kumi, ambazo zinakuja hasa na zile pembe kumi ambazo tulikuwa tukizungumza asubuhi hii, katika kila moja ya falme hizo kumi ambazo zilikuwa ziinuke, kulikuweko na chuma na udongo zilizochanganywa pamoja. Na chuma hicho kilitoka kwenye miguu, ambayo ilikuwa Rumi. Na kuna mlia wa Urumi uliochanganywa katika kila taifa lililoko chini ya Mbingu, kupitia kanisa Katoliki. Hiyo ni kweli kabisa. Nao wasingechanganyikana, po pote.

<sup>16</sup> Nao wangoana, wenyewe kwa wenyewe. Biblia ilisema wangefanya hivyo. Basi waangalie leo. Mvulana wako akiambatana na msichana Mkatoliki; wanapoenda kufunga ndoa, hawana budi kuahidi kuwalea watoto wao wawe Wakatoliki; mnaona, na kadhalika kwa msichana. Mnaona, ni ili kuvunja nguvu za huyo mwingine.

<sup>17</sup> Lakini ni nini? Biblia inadai kitu hicho chote ni kahaba. Sasa mtafanyaje? Hiyo ni kweli. Na jinsi dhambi za watu zingepatilizwa... Tulirudi kwenye Kumbukumbu la Torati, kuonyesha ya kwamba mwana haramu, mwana haramu, asingeweza hata kuingia katika kusanyiko la Bwana kwa vizazi

kumi na vinne. Hiyo ilikuwa chini ya torati. Naye Kristo alikuja kuikuza torati. Ni zaidi sana jinsi gani leo?

<sup>18</sup> Basi kuna nini kwa hawa, imekuwaje kwa maskini wasichana hawa wa kisasa mitaani leo, maskini wanawake hawa wanaovuta sigara, na kuvala kaptura, wasichana wa kisasa waliokata nywele zao, na kadhalika? Vipi jambo hilo? Ni kwa sababu mama yao alifanya hivyo. Ni kupatiliza, maovu, kutoka kizazi kimoja hadi kingine. Hivyo ndivyo ilivyo. Basi tumepeata kitu gani? Tumefikia mahali, si kitu ila ni lundo la uchafu wa dhambi.

<sup>19</sup> Hiyo ndiyo sababu Mungu ameiinua Urusi, ng'ambo ile, ikiwa na kombora la atomiki kuliangamiza, kama ilivyokuwa katika siku zilizotangulia ile gharika, wakati Yeye alipoinua mawingu. Hakika, amefanya hivyo. Na Biblia inasema hivyo. Urusi, ingawa ni nchi ya kikafiri, inayokana Mungu, inacheza kabisa kabisa katika mikono ya Mwenyezi Mungu. Kama tu vile Mfalme Nebkadreza alivyokuwa kwa kusudi la kuiangamiza Israeli kwa maana walishindwa kutembea pamoja na Mungu, Urusi inainuka moja kwa moja “kulipizia watakatifu kisasi,” kwa kanisa Katoliki, kwa ajili ya damu ya hao watakatifu ambayo limemwaga. Biblia ilisema jambo hilo. Itaondoa kitu hicho chote.

<sup>20</sup> Kwa hiyo angalieni hapa, kama mama yao alikuwa mcheza dansi, na nyanya yao, na mama yao alikuwa malaya, yeye ni nani leo? Mvua nguo stadi wa rumba. Watoto wake watakuwa nini?

Nanyi mnasema, “Hivi Mungu hufanya jambo hilo?” Naam, bwana!

<sup>21</sup> Mungu hupatiliza uovu wa watoto, kizazi, hata vizazi kumi na vinne. Na kama Kristo alikuja kulikuza, tungenesema, “Vizazi mia moja, ama vizazi mia tano.” Mbona, Yeye alisema, “Watu wa kale, mmewasikia wakisema, watu wa kale, ‘Usiue.’ Nawaambia, kila amkasirikiaye nduguye, bila sababu, ameua tayari. Mmewasikia wakisema, hao wa kale, ‘Usizini.’ Bali Mimi nilisema, kila mtu amtazamaye mwanamke kwa kumtamani, amekwisha kuzini tayari.” Yeye alifanya... Kuzidisha ni nini? Kuifanya kubwa mara nyangi. Na iwapo chini ya torati ilikuwa ni vizazi kumi na vinne, itachukua jambo hilo muda gani leo?

<sup>22</sup> Na kijana mwanamume, na wanamume wa makamu, na wanaume waliooa hawana heshima tena na nadhiri zao za ndoa. Mbona, wao huwachukua wanawake na kuishi nao mahali po pote, na kama tu mbwa wa kawaida. Mbwa ana heshima na maadili bora kuliko waliyo nayo watu wengine. Nami najua jambo hilo ni zito mno, bali hilo ni kweli.

<sup>23</sup> Kwa nini? Nayo makanisa yanaendelea moja kwa moja wala hayasemi neno juu yake. Kwa nini? Wao wanatenda kama tu vile mama yao afanyavyo. Makanisa yanarithi jambo hilo. Kwa sababu, kanisa na kanisa hili la Kiprotestanti lilitoka kwenye

kanisa Katoliki, zile dhambi za kanisa Katoliki zimepatilizwa juu ya Waprotestanti. Hakika, zimepatilizwa, kwa hiyo nyungu haiwezi kuiita birika kwamba ni “chafu.” Ni kweli kabisa.

<sup>24</sup> Sasa tunaona kwamba, na katika Maandiko, tuliona ya kwamba... Nami sikuona kijikaratasi mezani usiku huu. Nilisema, nionyeshe mahali pamoja ambapo Mungu alipata kuyaweka wakfu madhehebu. Nionyeshe mahali pamoja ambapo Mungu aliwahi kumweka wakfu mhubiri mwanamke. Nionyeshe mahali pamoja ambapo Mungu aliwahi kuagiza kunyunyizia. Nionyeshe mahali pamoja ambapo Mungu aliwahi kuagiza kumwagia. Nionyeshe mahali pamoja ambapo Mungu aliwahi kuwa na mtu ye yote aliyebatizwa katika jina la “Baba, Mwana, na Roho Mtakatifu.” Tafuta mambo hayo. Na hata hivyo daima tunayafanya. Yako kabisa tu kanisani. Sasa, nilisema, “Njia yako...”

<sup>25</sup> Sababu ya sisi kutokuwa Wabatisti, ni kwa sababu sisi tunaamini katika kubatizwa katika Jina la Bwana Yesu Kristo. Hakujawahi kuwa na mtu hata mmoja, katika Biblia, aliywahi kubatizwa kwa njia nyingine yo yote. Nionyeshe mahali pamoja ambapo mtu mmoja alibatizwa katika jina la “Baba, Mwana, na Roho Mtakatifu,” nitainua mikono yangu niseme mimi ni nabii wa uongo.

<sup>26</sup> Na iwapo Biblia inasema huna budi “kubatizwa katika Jina la Yesu Kristo,” hiyo inamaanisha huna budi kulifanya kwa namna hiyo. Paulo aliwaagiza wabatizwe tena. Haidhuru walikuwa wamebatizwa namna gani, iliwabidi kuja, wakabatizwe tena. Walibatizwa na mtu yule yule aliyembatiza Yesu Kristo; Yohana Mbatizaji. Akasema, “Huo hautafaa tena. Hamna budi kuja, mbatizwe tena.” Nao iliwabidi kufanya jambo hilo kabla hawajampokea Roho Mtakatifu. Ilikuwa ni mpango wa Mungu.

<sup>27</sup> Huenda nikaingia ndani kidogo juu ya jambo hilo, usiku huu. Kwa nini? Yesu hushika Neno Lake. Mnaamini jambo hilo? Sasa, karibu ninyi nyote mlikuwa hapa asubuhi ya leo, bali nataka kukaa kidogo zaidi juu ya jambo hilo.

<sup>28</sup> Kwa nini Paulo aagize, aamrishe jambo hilo baada ya kutekelezwa? Paulo alisema, “Hata kama Malaika kutoka Mbinguni akija na kuhubiri kitu kingine cho chote, na alaaniwe.”

<sup>29</sup> Sasa mnasema, “Tuna Nuru mpya juu ya jambo hilo.” La, hamna. Hilo ndilo ibilisi alilomletea Hawa, Nuru fulani mpya. Huhitaji Nuru yo yote mpya. Unahitaji kutembea katika Nuru ambayo Mungu tayari ameiweka hapa, ni hilo tu.

<sup>30</sup> Sasa angalieni jambo hili, jinsi tu ilivyo rahisi. Waliposhuka kutoka Mlima wa Kugeuzwa, Yesu aliwaambia wanafunzi Wake, “Watu wanena Mimi Mwana wa Adamu kwamba ni nani?”

"Mmoja alisema Wewe 'Ni Musa, ama Eliya, mmoja wa manabii."

Akasema, "Ninyi mwasema nini?"

<sup>31</sup> Akasema, Petro akasema, "Wewe Ndiwe Kristo, Mwana wa Mungu aliye hai."

<sup>32</sup> Akasema, "Heri wewe, Simoni, Bar-yona; kwa kuwa mwili na damu havikukufunulia hili." Mnaona, haliji kupitia kwenye seminari. Haliji kupitia kwenye madhehebu. "Mwili na damu havijakufunulia hili. Hukujifunza jambo hili kwenye shule yo yote ya theolojia. Bali Baba Yangu, aliye Mbinguni, amekufunulia jambo hili. Na juu ya mwamba huu nitalijenga Kanisa Langu; na milango ya kuzimu haiwezi kulishinda," ufunuo wa kiroho wa Yeye ni Nani.

<sup>33</sup> Angalia, "Nami nasema wewe ndiwe Petro. Nami nitakupa wewe funguo za Ufalme. Na lo lote utakalolifunga duniani, nitalifunga Mbinguni; lo lote utakalolifunga duniani, nitalifunga Mbinguni." Sasa, ilimbidi kutimiza Neno Lake la sivyo Yeye hakuwa Mungu. Sasa, na wakati alipofanya jambo hilo, siku chache baadaye; akasulubishwa, akafufuka, akapaa juu Mbinguni, ndipo Petro akaifungua Injili kwenye Siku ya Pentekoste. Alifanya jambo hilo? Yeye, bila shaka, alifanya hivyo. Sasa angalia, wakati yeze angeninii . . .

<sup>34</sup> Wote walikuwa wanawadhihaki, kwa sababu walikuwa wamejawa na Roho. Waliitwa "wazushi, watakatifu wanaojifingirisha," ama namna fulani ya jina kama hilo. Na hata wao walicheka, wakasema, "Hawa wamelewa kwa mvinyo mpya."

<sup>35</sup> Basi Petro akisimama katikati yao, aliinua sauti yake, akasema, "Waume na ndugu zangu, sikilizeni sauti yangu. Yasilizeni maneno yangu mkayashike nisemayo. Watu hawa hawakulewa kama mnavyodhani wamelewa; hii ni saa tatu tu ya asubuhi. Lakini jambo hili ni lile lililonenwa na nabii Yoeli. 'Itakuwa siku za mwisho, ya kwamba nitaimwaga Roho Yangu,' na kile angefanya juu ya wanawe, na binti Zake, na watumishi Wake wanawake, na kadhalika, kwenye siku hiyo."

<sup>36</sup> Basi walipoanza kusikia jambo hili, walichomwa miyoni mwao. Kwa kuwa, walimsikia mtu ambaye hakujua "ABC" zake, hata hivyo iliwabidi kumtambua yeze, kujua alikuwa na kitu Fulani ndani yake, kikimchoma, Roho Mtakatifu. Umkataze? Mbona, ingekuwa ni kama kujaribu kuzima moto, katika jengo lililokauka, kwenye siku yenye upepo. Usingeweza kufanya jambo hilo. Yeye alikuwa amejawa na Roho Mtakatifu. Naye alifanya nini sasa?

<sup>37</sup> Wao walisema, "Vema, waume na ndugu zetu, tufanye nini tupate kuokolewa?"

<sup>38</sup> Sasa tahadhari, Petro, una zile funguo za Ufalme. Unaona?

<sup>39</sup> Sasa, hapo Yesu alipofufuka siku ya tatu, Yeye hakuwa na funguo za Ufalme wa Mbinguni. Mlijua jambo hilo? Yeye alisema, “Nina funguo za mauti na kuzimu”, bali si za Ufalme, kwa maana zilikuwa zimepewa Petro.

<sup>40</sup> Sasa Yeye alisema, “Petro, lo lote utakalolifungua duniani, nitalifungua Mbinguni. Utakalofunga duniani, nitalifunga Mbinguni.”

<sup>41</sup> Sasa huyu hapa amesimama na zile funguo, ili kufungua jambo hili lililobarikiwa kwa ulimwengu. Naye hapa ana zile funguo mkononi mwake. Nao wanaauliza, “Tufanye nini tupate kuokolewa?” Sasa, haidhuru yule mtume alisema kitu gani kifanywe, Mungu hana budi kukitambua Mbinguni, iwapo Yeye alimpa mamlaka hayo.

<sup>42</sup> Sasa Petro alisema, “Tubuni, kila mmoja wenu, makabatizwe katika Jina Lake Yesu Kristo mpate ondoleo la dhambi zenu, nanyi mtapokea kipawa cha Roho Mtakatifu.” Sivyo? Na hiyo ndiyo sababu huo ufunguo ulifunga mlango Mbinguni dhidi ya jina lingine lo lote, njia nyininge yo yote, utaratibu nyininge—utaratibu mwingine wo wote. Ulifunga duniani, kisha ukafunga Mbinguni, la sivyo Yesu hakutimiza Neno Lake kwa Petro. Na kila mahali katika Biblia walipobatizwa, baada ya hapo, walibatizwa katika Jina la Yesu Kristo. Na wale waliobatizwa kabla ya jambo hilo, iliwabidi kuja na kubatizwa tena, katika Jina la Yesu Kristo, kusudi wapate Roho Mtakatifu. Hiyo ni kweli. Ingali iko vile vile.

<sup>43</sup> Kwa hiyo, kama tunafundisha ubatizo katika jina la “Baba, Mwana, na Roho Mtakatifu,” ni unabii wa uongo. Sasa sitaki kuwaudhi ninyi, bali sina budi kusisitiza jambo hili ili kwamba kanisa hili lijue ilivyo. Hatuko hapa kama kundi la punguani wasiojua kusoma; tunajua mahali tunaposimama katika Neno la Mungu. Mnaona, tunajua. Ninamsai mtu ye yote anionyeshe mahali pamoja ambapo mtu ye yote alipata kubatizwa katika jina la “Baba, Mwana, na Roho Mtakatifu.” Sasa mtasikiliza unabii wa uongo ama ile Kweli? Yachunguzeni Maandiko. Ni juu yenu.

<sup>44</sup> Nionyeshe ambapo mtu mmoja katika Biblia, ambapo kanisa lilipata kufanywa madhehebu katika—katika Biblia. Nionyeshe katika Biblia ambapo waliwahi kumweka wakfu mwanamke mhubiri. Nionyeshe katika Biblia mahali mambo haya yote, ambayo tumekuwa tukizungumza habari zake, yamepata kuagizwa katika Biblia. Hayamo. Niambie mahali pamoja. Mnaenda kwenye madhehebu...

<sup>45</sup> Vema, wakati Wamethodisti walipoinuka, walihubiri utakaso. Hilo ni jambo zuri. Lakini, walipofanya jambo hilo, waliunda madhehebu, ndipo wakaisha. Hiyo ndiyo sababu Biblia ilisema, “Una jina.”

Unasema, “Mimi ni Mkristo.”

“Vema, wewe ni wa madhehebu gani?”

<sup>46</sup> Unasema, “Mmethodisti,” mbona, wewe ni kahaba basi. “Mimi ni Mbatisti,” kahaba. “Pentekoste,” wewe ni kahaba. Wewe ni mfuasi wa kanisa hilo.

<sup>47</sup> Unapaswa kuwa wa Kristo. Huna shughuli na kusema “Methodisti,” “Mbatisti”. Iwapo wewe ni Mkristo, wewe ni Mkristo moyoni.

<sup>48</sup> Kila moja ya madhehebu hayo yanaweza kuzaa watoto, watoto wa Mungu, hiyo ni kweli. Bali unapofikiri unaenda Mbinguni kwa sababu tu wewe ni Mmethodisti ama Mbatisti, unakosea. Na hiyo ndiyo sababu tumekaa nje ya kitu hicho.

Kwa nini Wabatisti hawawezi kuona?

<sup>49</sup> Nilimwuliza Mmethodisti hapa, aliye kuwa anaandika insha, aliandika tu muda mrefu uliopita. Alisema, “Jambo pekee tulilo nalo juu yako, unaambatana sana na Wapentekoste.”

Nikasema, “Hivi ‘sisi’ ni akina nani?”

“Sisi, Wamethodisti.”

<sup>50</sup> Nikasema, “Vema, nitakwambia nitakalofanya. Nitakuja jijini mwenu nawe acha Wamethodisti waudhamini.”

“Loo,” kasema, “bila shaka, tusingewenza kufanya jambo hilo.”

<sup>51</sup> Nikasema, “Hivyo—hivyo ndivyo nilivyowazia. Ninashikana na Mpentekoste kwa sababu Mpentekoste huamini habari hiyo. Hiyo ni kweli. Wao wanaliunga mkono. Hao ndio wanaopata faida kwenye jambo hilo.”

<sup>52</sup> Ni wangapi waliosoma lile jalada kwenye Gazeti la *Life* hivi majuzi tu, juu ya kanisa la Kipentekoste? Ni moja ya shani kuu sana za wakati huu. Walipata waongofu wengi sana katika mwaka mmoja kuliko makanisa mengine yote yakiwekwa pamoja. Kwa nini? Hata katika makosa yao, Mungu anawaendeleza, kwa maana waliamini Kweli nao wanapiga hatua mbele pamoja Nay. Hiyo ni Kweli.

<sup>53</sup> Bali sisi tunafanya nini sasa? Mnaona? Hiyo ndiyo sababu sisi si madhehebu. Na kwa hakika tu kama vile Wapentekoste wanavyoijindia madhehebu . . .

<sup>54</sup> Na wakati huko nyuma kabisa, wakati Roho Mtakatifu alipomwagwa kwanza juu ya kanisa la Kipentekoste, miaka arobaini iliyopita, nao wakaanza kunena kwa lugha, moja ya zile karama. Hiyo ndiyo karama iliyo ndogo kuliko zote. Hiyo ndiyo karama iliyo ndogo sana, kulingana na Mt. Paulo, ni kunena kwa lugha. Na mara tu aliposhuka, “Loo,” wao walisema, “tunaye sasa,” nao wakafanya madhehebu, Baraza Kuu, ambalo sasa ni Assemblies of God. “Loo, hakuna mtu aliye Naye isipokuwa unene kwa lugha,” na Mungu akaondoka moja kwa moja kutoka kwao, na akawaacha waketi pale. Hakika. Naam, bwana.

<sup>55</sup> Moja kwa moja wakaja Waumoja, nao wakapata kujua ubatizo katika Jina la Yesu. Wakasema, “Loo, tumempata,” wakaunda madhehebu. Wao walifanya nini? Mungu aliondoka tu moja kwa moja akawaacha wameketi pale.

Ni kwa ajili ya, “Ye yote atakaye, na aje.”

<sup>56</sup> Mnaona, Waumoja hawawezi kwenda kwa Waassemblies. Nao Waassemblie hawawezi kwenda kwa Waumoja. Nimezungumza na baadhi ya watu bora sana walio nao, Bw. Goss, na Dr. Pope, watu wengi. Watu ambao ni mashuhuri katika... Niliketi pamoja nao. Nikasema, “Unawezaje kufundisha ushahidi huo wa kwanza, kama mwanachuoni?”

<sup>57</sup> “Vema,” kasema, “Ndugu Branham,” mmoja, wawili ama watatu wao, walikuwa waaminifu sana, wakasema, “tunajua jambo hilo ni kosa, lakini tufanyeje? Kama tukisema neno lo lote juu yake sasa, mbona, itavuruga mpango wote.” Hakika, nawe hutakuwa askofu tena, kiongozi mkuu. Wazo ndilo hilo.

<sup>58</sup> Ndugu, afadhali niwe na misheni ndogo pembeni, ama nihubiri chini ya msonobari, na niwe na Kweli, bila shaka, na njue kwamba unasema Kweli. Watu wanataka ile Kweli. Nawe unawajibika, kama Mkristo, kushuhudia Kweli. Mungu akuwajibisha jambo hilo.

<sup>59</sup> Ndipo, kwa mambo haya, iwapo hujabatizwa katika Jina la Yesu Kristo, na hujafanya mambo haya, wala hujampokea Roho Mtakatifu...

<sup>60</sup> Unasema, “Loo, nilineni kwa lugha.” Hilo halimaanishi una Roho Mtakatifu.

<sup>61</sup> Nimewaona wachawi, walozi, pepo, na kila kitu kinginecho, kikinena kwa lugha. Bila shaka. Wao hawana Roho Mtakatifu, nanyi mnajua jambo hilo. Wanakunywa damu kutoka kwenye fuvu la kichwa cha mwanadamu, na kucheza, na kumwita ibilisi, na kunena kwa lugha. Bila shaka. Wao hawana Roho Mtakatifu.

<sup>62</sup> Kwa hiyo, kwa sababu ati umenena kwa lugha, hiyo haina maana kwamba umempata. Njia pekee unayojua kwamba unaye, hapo roho yako inaposhuhudia pamoja na Roho Wake, na matunda ya Roho yanakufuata: upendo, imani, furaha, amani, uvumilivu, wema, upole, fadhili. Hapo ndipo unapojua ya kwamba una Roho Mtakatifu. Anajishuhudia Mwenyewe.

<sup>63</sup> Sasa, wakati unapojaribu kuridhika, ati kwa sababu wewe ni mfuasi wa Assemblies, ama wa Batisti, ama wa Presbiteri, unaona kile unachofanya? Unachukua jina la kahaba. Hiyo ni kweli kabisa. Toka kwenye kitu hicho. Toka kwake. Simaanishi kutoka kwenye kanisa lako ama cho chote kile; wewe fanya unalotaka juu ya jambo hilo. Bali toka kwenye kutegemea, “Loo, mimi ni Mpresbiteri. Sisi hatuamini siku za miujiza!” Mbona huamini jambo hilo? Biblia inafundisha jambo hilo. “Loo, mimi

ni mfuasi wa kanisa la Kristo. Wao wana sema siku za miujiza zimepita.” Wao ni manabii wa uongo.

<sup>64</sup> Ninaweza kuwaonyesha mahali ambapo Yesu Kristo alitoa Nguvu kwa Kanisa, kuponya wagonjwa, na kufufua wafu, na kutoa pepo. Ninamsai mtu ye yote kunionyesha Andiko katika Biblia ambapo Yeye aliziondoa Kanisani. Ziliondolewa na kitu gani? Fundisho lenu la sharti, kweli, si Neno la Mungu. Roho Mtakatifu angali anafanya ile kazi, akipiga hatua vile vile, na Yeye atafanya hivyo milele.

<sup>65</sup> Hiyo ndiyo sababu sisi si madhehebu, “Walio na mfano wa utauwa, na huku wanakana Nguvu zake; hao nao ujiepushe nao.” Hatuamini katika upuuzi huo.

<sup>66</sup> Sasa, imepata kuanza namna gani? Hatuna budikuharakisha na kulifikia jambo hilo upesi iwezekanavyo sasa, jinsi ilivyopata kuanza. Sasa tuna Maandiko mengi sana yaliyoandikwa hapa juu ya Roho Mtakatifu.

<sup>67</sup> Na jambo jingine, tulitoa sai jana usiku, juu ya “ustahimilivu wa watakatifu,” si kwa jinsi ile Wabatisti wanavyoamini. La, bwana. Kwa kweli sikubaliani na Wabatisti na wazo lao, juu ya nadharia yao ya Ukalvinisti. Hakika sikubaliani na Wapresbiteri. Sikubaliani na Wamethodisti juu ya njia yao ya fundisho la Uarmenia. Naam, bwana. Bali wote wawili wana kweli fulani, bali huna budi kulirudisha *Hapa* ambapo ni Kweli. Utokapo kwenda nje huko, unapotea nalo. Bila shaka.

<sup>68</sup> Wabatisti wanaingia, wanawabatiza mtu na mkewe hapa, kuwazamisha majini; na mhubiri anawabatiza, tisa juu ya kumi wanavuta sigara, wanarudi na kusimama kule, na kuchenza karata, kamari usiku kucha, harakati za huku na huko, na kufanya magendo; na wanawake wote wakivalia kaptura hapa nje, harakati za huku na huko mitaani, na kukata nywele zao, na-na kuvuta sigara na kuzungumza, na karamu ndogo za anasa, na kufanya mizaha michafu. Nanyi ati mnaita jambo hilo Ukristo? Na mnafikiri mna usalama wa Milele? Mnaelekeea Jehanamu namna hiyo. Hamngeweza kufurahia Mbinguni kwa njia yo yote. La hasha. Huo sio usalama wa Milele.

Bali wakati mtu amezaliwa mara ya pili na Roho Mtakatifu...

<sup>69</sup> Nanyi Wapentekoste, kwa sababu ati mlirukaruka, mkanena kwa lugha, makakimbia huku na huko kwenye marefu ya kanisa, hiyo haina maana kwamba mna usalama wa Milele. Msitie jambo hilo kamwe kichwani mwenu. La, bwana. Bila shaka haimaanishi hivyo. Kwa kuwa, unajua ya kwamba ninii yako mwenyewe—maisha yako mwenyewe yanakushuhudia, ushuhuda, ya kwamba huko sawa na Mungu. Hiyo ni kweli. Huko sawa. Huo si usalama wa Milele, bado.

<sup>70</sup> Lakini nataka kuwa ulizeni jambo fulani. Kuna usalama wa Milele? Biblia inasema hivyo. Biblia inasema ya kwamba majina

yetu yaliwekwa katika Kitabu cha Uzima cha Mwana— Kondoo kabla ulimwengu haujapata kuanza.

<sup>71</sup> Kama nilivyosema asubuhi ya leo, ninalisema jambo hilo tena. Yule mtu aliyeuandika ule wimbo, “Kulikuwa na jina jipya lililoandikwa huko Utukufuni usiku huu, na ni langu,” wazo lake lilikuwa sawa, bali ye ye ali kuwa amekosea, Kimaandiko. Jina lako halikuandikwa usiku uliookoka.

<sup>72</sup> Jina lako, kulingana na Biblia, kulingana na Ufunuo 13, 17, na kadhalika, “liliandikwa mle kabla ulimwengu haujapata kuanza; naye Yesu Kristo aliuawa kabla ya kuwekwa misingi ya ulimwengu.”

<sup>73</sup> Mungu angewezaje, Ambaye hana kikomo; Mungu asiye na kikomo angewezaje, akijua mwisho kutoka mwanzo, angewezaje Yeye kupata kuiruhusu dhambi kuja duniani, kama isingekuwa kwa sababu fulani?

<sup>74</sup> Ili kuunga tu mkono sasa baadhi ya mambo ambayo tume sema. Ni nani aliyetangulia, Mwokozi ama mwenye dhambi? [Mtu fulani katika kusanyiko anasema, “Mwokozi.” — Mh.] Mwokozi, hakika. Ni nani aliye na nguvu zaidi, Mwokozi ama mwenye dhambi? Kama Mwokozi anaweza kuondoa dhambi, Yeye ana nguvu zaidi. Vema, kwa nini akaacha dhambi itukie kwanza? Kuonyesha ya kwamba Yeye ali kuwa Mwokozi. Ni nini kilicho na nguvu zaidi, mponya ama ugonjwa? [“Mponya.”] Mponya. Basi kwa nini aliruhusu ugonjwa uje kwanza? Kuonyesha ya kwamba Yeye ali kuwa mponya. Ninajisikia kubarikiwa sasa hivi! Naam, bwana. Loo, jamani! Hizo ni sifa Zake.

<sup>75</sup> Hiyo ndiyo sababu Yeye anaruhusu shida ije. Hiyo ndiyo sababu anaruhusu huzuni ije, apate kuonyesha ya kwamba Yeye ni furaha. Hakika, ndivyo ilivyo. Hiyo ndiyo sababu tuna usiku, kuthibitisha pana mchana. Hiyo ndiyo sababu tuna hasira, kuonyesha kuna amani. Hakika, ni pande zote mbili. Loo, Yeye ni wa ajabu.

<sup>76</sup> Sasa, ilianzaje? Tutaliendea moja kwa moja, upesi tuwezavyo, ili nisiwaweke usiku kucha. Sasa, hapana budi kuwe na mwanzo wa mambo yote.

<sup>77</sup> Nami ninataka kuwa ulizeni jambo fulani. Sasa hili huenda... Liweke tu jambo hili kwenye mfuko wa vesti yako. Si lazima mweke hili pamoja na chakula cha kawa ida. Lakini sikilizeni jambo hili.

<sup>78</sup> Kama wewe ni kiumbe cha Milele, basi wewe kamwe hukuwa na mwanzo, wala huwezi kuwa na mwisho. Kwa kuwa, *Milele* linatokana na neno “ambacho hakina mwanzo wala mwisho.”

<sup>79</sup> Hivi hamkumbuki jambo hilo? Nilisema, asubuhi ya leo, kwamba jinsi ambavyo Melkizedeki, wakati alipokutana na Ibrahimu akitoka kuwaua wafalme. Nayo Biblia ilisema, katika

Waebrania 7, ya kwamba—ya kwamba, “Lawi alimpa zaka Melkizedeki, wakati alipokuwa katika viuno vya baba yake Ibrahimu.” Ibrahimu akamzaa Isaka; Isaka akamzaa Yakobo; Yakobo akamzaa Lawi. Huyo alikuwa baba, babu, na mzaa babu. Na wakati Lawi alipokuwa katika viuno vya mzaa babu wake, Biblia inamsifu kwa kumpa Melkizedeki zaka. Nena kuhusu Milele! Jamani, jamani! Yeye kamwe hakusema, “Alifanya jambo hilo katika kivuli; kwa uwezekano alifanya jambo hilo.” Biblia ilisema, “Yeye alitoa zaka.” Amina!

<sup>80</sup> Basi, kama sisi tulipitia kwenye mzao wa kweli, wakati Paulo alipohubiri Injili nilikuwako nawe ulikuwako. Tutaingilia jambo hilo, hivi punde tu, moja kwa moja mpaka maskioni mwetu. Angalia, hivyo ndivyo Maandiko yanavyodai, kwetu, hata yalirudi huko nyuma kabisa.

<sup>81</sup> Waza tu! Lawi; kisha Yakobo, babaye; kisha Isaka, babaye; kisha Ibrahimu, babaye; baba ya babu yake. Wakati Lawi alipokuwa katika viuno vya baba ya babu yake, alimtolea Melkizedeki zaka.

<sup>82</sup> Nataka kuwaalizeni. “Ni nani huyu, Ayubu 27 . . . thelathin’ na nane, wakati Yeye aliposema, “Ulikuwa wapi nilipoiweka misingi ya nchi? Hapo nyota za asubuhi zilipoimba pamoja, na wana wa Mungu walipopiga kelele kwa furaha?” Hao wana wa Mungu waliokuwa wanapiga kelele kwa furaha ni akina nani? Yesu aliwaambia, ya kwamba, “Nilifurahi pamoja nanyi kabla ya kuwekwa misingi ya ulimwengu.” Sisi si viumbe vya wakati. Sisi ni viumbe vya Milele.

<sup>83</sup> “Hakuna mtu awezaye kuja Kwangu, asipovutwa na Baba Yangu. Na wote wanaokuja Kwangu, nitawapa Uzima wa Milele, na kumwinua katika siku za mwisho. Hakuna mtu awezaye kuwatoa katika mkono wa Baba Yangu, aliyenipa hao.” Utapoteaje?

<sup>84</sup> Mnaona, mnatishika. Mnaogopa. Mtaenda huku na huko. Na huo ndio mmoja wa shuhuda bora sana, ulimwenguni, hujafikia mahali po pote bado. Hiyo ni kweli. Mungu anawezaje kukuokoa kama Yeye . . .

<sup>85</sup> Ni wangapi katika kanisa hili mngeinua mikono yenu, na kuamini ya kwamba Mungu hana kikomo? Mnajua maana ya neno *bila kikomo*? Hilo ni kamilifu kabisa. Bila kikomo, huwezi—huwezi kueleza neno *bila kikomo*.

<sup>86</sup> Uliwahi kuchukua kamera yako na kuitegesha kwenye alama ya pasipo kikomo? Naam, linamaanisha tu tangu hapo na kuendelea. Sawa. Hakuna njia ya kuirekebisha tena.

<sup>87</sup> Vema, hivyo ndivyo Mungu alivyo. Yeye hana kikomo. Na iwapo hana kikomo, kusingekuwa na mende, hakuna nzi, hakuna kiroboto, hakuna chawa, hakuna funza, wala kitu cho chote kilichopata kuwa duniani, wala kitakachopata kuwa, ila

kile Mungu alichojuua kabla ya kufanywa kwa ulimwengu. Hilo hapo wazo la bila kikomo.

<sup>88</sup> Vema, basi, Mungu asiye na kikomo anayekuoaka hapa, akijua atakupoteza juma lijalo, ama mwezi ujao, ama mwaka ujao, naam, Yeye anaharibu kusudi lile hasa. Yeye hawezu kukupoteza. “Yeye ayasikiaye Maneno Yangu, na kumwamini Yeye aliyenipeleka, yuna Uzima wa Milele na hatafika Hukumuni, bali amekwisha pita kutoka mautini kuingia Uzimani.” Hawezu kufanya jambo hilo. Wala tena wewe . . .

<sup>89</sup> “Yeye aliyezaliwa na Mungu hatendi dhambi; kwa sababu uzao wa Mungu unakaa ndani yake, wala hawezu kutenda dhambi.” Anawezaje kutenda dhambi wakati kuna dhabihu ya dhambi kwa ajili yake?

<sup>90</sup> Ninawezaje kuwa mgonjwa na huku nina afya nzuri kabisa? Ninawezaje kuwa kipofu na huku ninaweza kuona? Loo, jamani! Ninawezaje kuwa ndani ya jengo na nje ya jengo wakati uo huo? Ninawezaje kuwa mlevi na asiyelewa wakati uo huo? Huwezi kufanya jambo hilo.

<sup>91</sup> Basi unapookoka, uko chini ya Upatanisho, na dhambi zako hazihesabiwi kwako. Je! Daudi hakusema, “Heri mtu ambaye Mungu hatamhesabia dhambi, ama kumwona kwamba yuna dhambi”? Mungu hakihesabii dhambi kiumbe Chake. Hilo ni gumu. Hilo si maziwa ya mtindi. Bali hiyo ni Biblia. Mungu hatamhesabia dhambi mwenye haki.

<sup>92</sup> “Mungu,” kwa neema Yake, kwa kuchagua tangu zamani, “maana hapendi mtu ye yote apotee, bali wote wafikilie toba.” Bali akiwa asiye na kikomo, na akijua ni nani angekuja na ni nani asingekuja, Yeye angekusudia tangu awali kila kitu kutenda kazi kulingana na mapenzi Yake. Kama hakufanya jambo hilo, kwa nini aliruhusu dhambi kwanza? Alipokuwa Mwokozi . . . Kama kusingalikuwa na mwenye dhambi, Yeye asingekuwa kamwe Mwokozi; hiyo sifa, iliyokuwa ndani Yake, isingetolewa.

<sup>93</sup> Yeye alipataje kuwa mponya? Yeye alipataje kuwa mponya? Kwa sababu aliruhusu ugonjwa uje, ili kwamba apate kujionyesha Mwenyewe mponya. Yeye alikuwa mponya. Wewe ungeweza je kamwe kuninii . . . Yeye angejulikanaje? Sifa Zake zingewezaje kutenda kazi? Angewezaje kupata kuwa mponya, kama kusingekuwa na maradhi? Ilimbidi aruhusu maradhi.

<sup>94</sup> Si ajabu, Paulo alisema, kwenye Warumi 8. “Ewe mjinga, ni nani anayeweza kumwambia m—mfinyanzi jambo la kuufanya; ambaye, wakati udongo ulipoinuka na kusema, ‘Kwani kunumba, wewe, kunumba hivi?’ Je! Yeye hakumwinua Farao kwa kusudi lilo hilo, ili kwamba apate kuonyesha utukufu Wake huko Misri? Yeye humfanya mgumu atakaye kumfanya mgumu, na kumhesabia haki Yeye atakaye kumhesabia haki. Si Yeye atakaye, wala yeye apigaye mbio, bali ni Mungu arehemuye.”

<sup>95</sup> Kwa hiyo, wewe hukuwa na uhusiano wo wote na jambo hilo. Huna hata jambo moja la kufanya. Kama ni neema, kama ni karama ya bure, hakuna kitu unachowenza kufanya juu yake. Mungu amekupa wewe hiyo, na hayo ni mapenzi ya Mungu. Hilo ndilo jambo ambalo Mungu amekuchagulia tangu zamani.

<sup>96</sup> Biblia ilisema ya kwamba “tumechaguliwa tangu zamani kuwa wana wa kupewa mamlaka, wana wa Mungu, kabla ya kuwekwa misingi ya ulimwengu.” Basi, wakati Mungu alipomchinja Mwana-Kondoo, katika mawazo Yake Mwenyewe, kabla ya kuwekwa misingi ya ulimwengu, kuthibitisha sifa Zake, alichokuwa Yeye; wakati Mwana-Kondoo alipochinjwa, tulichinjwa pamoja Naye. Wakati Damu ya Mwana-Kondoo iliposhikwa katika nia Yake Mwenyewe, kule nyuma kabla ya kuwekwa misingi ya ulimwengu, jina langu na majina yenu yaliandikwa kwenye kile Kitabu wakati huo, yote katika mawazo Yake makuu.

<sup>97</sup> Yeye hana kikomo. Kama sivyo alivyo, kwa nini akaruhusu jambo hilo? Ni nani aliye na nguvu zaidi ya wote, nimesema, Mwokozi ama mwenye dhambi? Ni nani aliye na nguvu nyangi kupita wote? Basi, ilimbidi aliye na nguvu zaidi amruhusu asiye na nguvu sana, Naye hufanya jambo hilo tu kwa ajili ya utukufu Wake. Alipomfanya Lusifa, Yeye alijua angekuwa ibilisi. Ilimbidi kumwacha aweko kuonyesha ya kwamba Yeye alikuwa Mwokozi, yule Kristo. Ilimbidi kuacha jambo hilo litukie namna hiyo.

<sup>98</sup> Naam, hivi Biblia haisemi, ya kwamba, “Mambo yote hutendeka kwa manufaa ya hao wampendaao Mungu”?  
[Kusanyiko, “Amina.”—Mh.] Basi mnaogopa nini?

Na tuamke tukatende kazi,  
Tujitie moyo katika mzozo wo wote.  
Msiwe kama ng’ombe bubu wanaosukumwa,  
hawana budi waombwe na kubembelezwa!  
Na mwe shujaa!

<sup>99</sup> Ninapenda hilo. Simameni! Shairi fupi lililokuwa linanisaidia sana nilipokuwa mtoto, linasema kitu kama hiki.

Kulikuwako na Mrumi muungwana,  
Katika siku za Mfalme wa Kirumi;  
Aliyemsikia mwoga anayelia,  
Nyuma ya ngome akisema:  
“Loo, ni salama katika msunobari kama huu,  
Hakuna mtu anayeweza kuutikisa.”  
Loo, la,” kasema yule shujaa,  
“Nitatafuta njia ama niifanyi.”

<sup>100</sup> Haya basi. Hiyo ni kweli. Kama Biblia hii inafundisha ya kwamba Yesu Kristo ni Yeye yule jana, leo, na hata milele... Halikuwa jambo rahisi nilipotoka kwenye maskani hii siku ile, na kila mtu akiiniambia ya kwamba jambo *hili* lingetukia, na

jambo *lile* lingetukia. “Ungedhaniwa kuwa mshupavu wa dini, utupwe gerezani, na shirika lote la madaktari likupinge.” Bali Mungu alisema ufanye hivyo. Biblia ilisema Yeye alikuwa Ndiye. Na sasa moto wa ufufulo unawaka katika kila taifa chini ya Mbingu. Kwa nini? Kabiliana na jambo hilo!

Unafanyaje kazi yako kila siku?  
 Unaogopa kazi unayopata?  
 Unaweza kuistahimili kazi iliyo mbele?  
 Una nia iliyochoka na tupu? (Nakichukia kitu hicho.)  
 Ama unaistahimili kazi iliyo mbele,  
 Ama uoga daima unapitia kwenye jambo hilo?  
 Kama ndivyo ilivyo, kabiliana na jambo jingine utakalopata,  
 Kwa kufikiria utalifanya.

<sup>101</sup> Dumu nayo. Bila shaka. Kusudia moyoni mwako, kama Danieli. Dumu pamoja na Mungu.

<sup>102</sup> “Haya yote yalitukia wapi? Yalitukiaje? Kitu gani kinawafanya watu namna hii? Kwa nini sisi tuko karibu sana kuangamizwa? Ndugu Branham, nieleze. Kitu gani kinakufanya ufikiri ya kwamba kitu hiki chote hakina budi kuangamizwa?” Kiliangamizwa mara moja hapo zamani, (sivyo?) katika yale maangamizi ya gharika. Sasa haya hapa yaja baadhi ya mambo yenye kina. Nasi tutajitarisha kusoma.

<sup>103</sup> Sasa nawataka mfungue pamoja nami sasa, kwenye Kitabu cha Mwanzo, sura ya 3. Kama mkitaka kujua jambo lo lote, ninaweza kuwaonyesha katika Kitabu hiki cha Mwanzo mahali ambapo kila dini na kila itikadi, na kila kitu tulicho nacho leo hii, kilianza katika Mwanzo. Ni wangapi wanaojua ya kwamba *Mwanzo* maana yake ni “asili”? Bila shaka.

<sup>104</sup> Tunaona Kanisa Katoliki pale mwanzo, Babeli, mwanzilishi wake ni Nimrodi; tunalionia katikati ya Biblia, tunalionia mwishoni mwa Biblia; tunaona, wakijaribu kuwaingiza wahubiri wanawake, hapo mwanzoni mwa Biblia, kwa kuabudu sanamu ndogo zilizofanywa kwa mizizi. Ni wangapi waliopata kusoma *Babeli Mbili* kilichoandikwa na Hislop, ile historia? Vema. Tunaona, katika historia hizi. Wao walikuwa na mwanamke... Na halafu mnakumbuka, hata Yakobo aliiba miungu ya babaye, na bintiye akaificha chini yake naye akaichukua huko nyikani, jambo ambalo lilitia ile kambi unajisi, baadaye. Vema.

<sup>105</sup> Hebu tusome hapa sasa katika Mwanzo.

*Basi nyoka alikuwa mwerevu kuliko wanyama wote wa mwitu aliowafanya BWANA MUNGU. Akamwambia mwanamke, Ati! hivi ndivyo alivyosema Mungu, Msile matunda ya miti yote ya bustani?*

*Mwanamke akamwambia nyoka, Matunda ya miti ya bustanini twaweza kula;*

*Lakini matunda ya mti... katikati ya bustani Mungu amesema, Msiyale wala msiyaguse, msije mkafa.*

*Nyoka akamwambia mwanamke, Hakika hamtakufa:*

*Kwa maana Mungu anajua ya kwamba siku mtakayokula matunda ya mti huo, mtafumbuliwa macho, (mnaona, kutafuta Nuru mpya), nanyi mtakuwa kama miungu, mkijua mema na mabaya.*

<sup>106</sup> Mnaona jinsi jamaa hawa walivyo leo, wakijaribu kuondoa katika Biblia? “Mbona, si ni rahisi tu kama vile kumwagia, ama kunyunyizia, ama namna *hii*, ama namna *ile*?” La, bwana. Mungu aliandaa mpango, na huo ndio tunaopaswa kufuata, *Hii*. [Ndugu Branham anaonyesha Biblia yake—Mh.]

*Mwanamke alipoona ya kuwa ule mti wafaa kwa chakula, wapendeza macho, nao ni mti wa kumfanya... kutamanika kwa maarifa, basi alitwaa katika matunda yake akala, akampa na mumewe, naye akala.*

*Wakafumbuliwa macho yao, wote wawili wakajijua... wa uchi, wakashona majani ya mtini, wakajifanyia wenyewe nguo.*

<sup>107</sup> Ningetaka kusimama hapa kwa muda kidogo. Naam, hapana budi kuwe na mwanzo wa kila kitu. Wewe ulikuwa na mwanzo. Sasa sisi... Hapa ndipo nataka kuweka msingi wa jambo zima, sasa, tumezungumzia jambo hili katika mikutano hii miwili iliyopita, na hadi hapa.

<sup>108</sup> Sasa, asubuhi ya leo tulirudi nyuma na kufanya mchezo wa kuigiza, katika Biblia, kwamba wakati Mungu alipokuwa anaifanya dunia, kwamba alipokuwa akitengeneza gesi; halafu hizo gesi zikawa chokaa, na chumvi, na—na vitu mbalimbali. Yeye alikuwa akiufanya mwili wako. Alikuwa akipanga kujenga, kama vile mjenzi mkuu, kama mkandarasi akiweka vifaa vyake kwa mradi wa ujenzi wa nyumba. Yeye alikuwa akiufanya mwili wako, naye alikuwa ameuweka pale. Yeye alijua sawasawa kabisa, katika nia Yake, kitu ambacho kingefanyika.

<sup>109</sup> Mkono *huu*, Mungu aliufanya mkono huo kabla Yeye... alipokuwa akiufanya ulimwengu; lakini, roho yangu aliifanya kabla hakujakuweko na ulimwengu. Sasa, lakini mkono huu na mwili huu, aliufanya alipoufanya ulimwengu, maana mwili huu ultoka ardhini, nao unarudi ardhini. Mungu aliufanya huo. Yeye alipanga vitu vyote katika ramani Yake kuu na mpango Wake.

<sup>110</sup> Naam, alipoanza kuifanya dunia, Yeye alimfanya mtu, naye mtu huyo hakuonekana sawa ipasavyo. Sasa tulikuwa na jambo hilo, asubuhi ya leo, tulipitia katika huo mchezo wa kuigiza, jinsi ambavyo Ba—Baba alivyoshuka akamwangalia

Mwanawe, aliyefanywa katika mfano Wake, na kadhalika. Kisha akamfanya mke, msaidizi.

<sup>111</sup> Sasa, kumbukeni, ya kwamba, viumbe vyote vyta dunia, Adamu alikuwa amevipa majina.

<sup>112</sup> Yeye alikuwa amewafanya ng'o—ng'ombe, na wanyama, na kila kitu. Na siku hizi, sisi... Wanahistoria na—na wataalamu wengi wa sayansi, wamekuwa wakijaribu, kwa miaka elfu sita, kutafuta kiungo kilichopotea, kwamba ni kwa nini mnyama... Mwanadamu ni kiumbe mnyama. Tunajua jambo hilo, ya kwamba tulifanya...

<sup>113</sup> Na mwanamke ni sehemu tu ya mwanamume, kitu kilichotolewa kwa kingine. Mwanamke hakuwa katika ule uumbaji wa asili. Mungu alikuwa tayari amemaliza kuumba, kwa miaka na miaka na miaka, hata akamfanya mwanamke kutoka kwa ubavu kwenye ubavu uliotoka ubavuni mwa mwanamume. Adamu alikuwa ameshamaliza kuvipa majina viumbe vyote, kila kitu kinginecho, bali hakuwa na cha kwake mwenyewe. Kwa hiyo, Yeye akamfanya msaidizi; akatoa ubavu kutoka ubavuni mwake, akafunga jeraha hilo, kisha akamfanya msaidizi. Basi mtu, katika roho yake, alikuwa mwanamume na mwanamke pia.

<sup>114</sup> Basi mwanamke ni sehemu tu ya mwanamume. Na mwanamume anapoitwalia mke, na kama yeye ni mke wake kweli, mke aliyepewa na Mungu, yeye atakuwa tu kama sehemu yake kwake.

<sup>115</sup> Hiyo ndiyo sababu mna vurugu nyingi sana katika ndoa, ni kwa sababu unatoka unaenda na kuona msichana fulani mwenye macho mazuri ya hudhurungi ama macho ya samawati, ama kitu kama hicho, na msichana fulani mwenye umbo zuri, nawe unampenda. Mara ya kwanza anapopata mtoto wake wa kwanza, meno hayo yanatoka, naye anapata makunyanzi na kuzeeka, na ndipo unataka kumfukuza. Na baadhi yenu ninyi wanawake mnampata maskini mvulana mdogo aliyechana nywele zake maridadi sana, huku amezimwigilia nusu kopo la mafuta ya guruwe ya mamaye, na ni zilizojipindapinda. Nazo zote zitang'oka; ninajua jambo hilo kwa ujuzi. Lakini kitu gani kinatukia? Ni kitu gani? Unanaswa na hilo.

<sup>116</sup> Unapaswa kuomba, kwanza, maana mwanamke ni sehemu yako. Na iwapo umemkumbatia mwanamke kwenye kifua chako, na kumchukua awe mke wako, nawe... Yeye anakupiga chapa. Tatalisema namna hii ili kwamba mpate kufahamu. Basi mwanamke mwengine ye yote kwenye kifua hicho hatalingana na chapa hiyo. Na Mungu atakuhusisha na jambo hilo. Basi wewe kumbuka tu jambo hilo.

<sup>117</sup> Wewe unayemchukua mke wa mtu mwengine mkaenda kutembea kisha... Nilisikia leo msichana mdogo hapa mjini, maskini msichana mdogo. Ninamjua. Na mcheza karata fulani

akimnunulia nguo kubwa na nzuri, na kadhalika, na kujaribu kumpata namna hiyo. Panya, angefanya jambo kama hilo, hata hawezi kufikiriwa kuwa ni mwanadamu.

<sup>118</sup> Mwajua, mbwa si duni namna hiyo, na hata hivyo mnawita mama mbwa "mchafu." Yeye ana uadilifu mwangi kuliko nusu ya wanawake wa Jeffersonville walivyo nao. Nanyi mnawita nguruwe mama mzee "nguruwe jike," naye si... Yeye ana uadilifu zaidi ya wanawake wa Marekani, wengi wao. Hiyo ni kweli kabisa. Sasa, ninajua hilo halipendezi. Nami niliwaambia ningelieleza kinaganaga, nami nawatakeni mjue jambo hilo. Na hilo ni kweli. Hao wote, wanawake siku hizi, hata hawajui uadilifu ni kitu gani. Kasema, "Haliumizi dhamira yangu." Vema, huna yo yote. Angalia. Naam, bwana. Wakati, unajua lililo jema na baya.

<sup>119</sup> Sasa angalia. Mtu huyu, alipoumbwa, Mungu alitenganisha roho yake. Naye akatoa kipande kutoka kwa huyo mtu, ubavu wake, na kumfanya mwanamke kwa huo. Kisha akaitoa roho ya kike, inayopendeza ya huyo mtu, na kumfanya mwanamke kwa hiyo. Naye alimfanya huyo mwanamume, dume, lenye maungo.

<sup>120</sup> Basi unapoona mwa—mwa—mwanamume aliye kidogo... wajua, amejipaka rangi makucha, ama cho chote unachokiita kitu hicho, makucha ya vidole vyake; na, wajua, nne upande mmoja na tano mwininge, na—na nywele zilizochanwa maridadi, kisha anapanua mdomo wake mbele, na upuuzi kama huo; mmoja wa wavulana hawa warembo. Kumbuka tu, dada, ndege huyo ana kasoro. Kuna kasoro. Afadhali umwangalie kwa makini.

<sup>121</sup> Tena unapomwona mwanamke mwenye sigara upande mmoja wa mdomo wake, huku amevalia ovaroli, na kusema, "Nitakwambia, ewe jamaa, ni kitu gani!" Ndugu, mwangalie maskini binti huyo. Ana kasoro.

<sup>122</sup> Mwanamke, anapaswa kuwa ni mwanamke, naye anapaswa kuva kama mwanamke. Mungu alipomfanya mwanamume, alimfanya kitu kimoja; na akamfanya mwanamke kitu kingine. Basi Mungu anapomvalisha mwanamume, Yeye alimvalisha kwa njia moja, na mwanamke kitu kingine. Nayo Biblia ilisema, "Ni chukizo kwa mwanamke kuva vazilinalompasa mwanamume."

<sup>123</sup> Nanyi wanawake, mnaovalia maskini suruali hizi na kadhalika, na kuzivaa huku nje, maskini ninii za kale... Mnaziitaje, kaptula? Wanaziitaje?...?... La, la, si kaptula. Ni hizo zenye miguu mirefu. ["Visukuma pedali."] Visukuma pedali, na ovaroli, dangarizi.

Kaingia, kasema, "Hii ni ya mabibi."

<sup>124</sup> Nikasema, "La, umekosea. Mabibi hawavai vitu hivyo. Wanawake huenda wakavaa, bali mabibi hawavai." Hiyo ni kweli.

<sup>125</sup> Biblia ilisema, “Ni chukizo kwa mwanamke kuva vazi; na kwa mwanamume kuva vazi linalompasa mwanamke.”

<sup>126</sup> Nao wanaume wanazidi kuwa madondoadume, kila siku, na wanawake wanazidi kuwa wa kiume. Kuna nini? Tutaona katika dakika chache, kwa Biblia. Wanawake si wanawake tena. Simaanishi ninyi wanawake Wakristo. Ninazungumza kuhusu watu wa kawaida. Wao wanataka kutenda kama wanaume; wanataka kukata nywele zao kama wanaume; kuweka mikono yao kwenye kaunta, namna *hiyo*, na kuimba *Mungu Ibariki Marekani*, huku sigara inatokeza pembeni mwa vinywa vyao.

<sup>127</sup> Hushuka kwenda mitaani, watokee kwa nyuma namna *hiyo*, na moja kwa moja kwenye barabara kuu. Tulihesabu... Nataka kuwaambieni jambo fulani. Nanyi madereva wanawake, sikilizeni. Mimi na Billy Paul, katika kampeni hii ya mwisho kila mahali nichini, miezi sita, niliweka hesabu ya idadi ya hatia za barabarani. Na kutoka kwa makosa mia tatu, barabarani, unadhania ni wangapi wao walikuwa ni madereva wanawake? Kulikuwa tu kunakosekana... Kumi na tisa wao walikuwa wanaume. Na mia mbili na themanini ama, naamini ilikuwa hivyo, mia mbili themanini na mmoja basi wangekuwa ni madereva wanawake. Madereva wanawake! Sasa, sisemi hakuna madereva wanawake wazuri. Bali ye ye atageuka upande wo wote.

<sup>128</sup> Ati unajaribu tu kumshitaki? Hebu na awe kwa namna fulani ana sura nzuri, amesimama pale, akipandisha hizo nywele juu wakati askari anapokuja. “Mbona,” angesema, “hakika, uko makosani!” Hatuna sheria.

<sup>129</sup> Walithibitisha jambo hilo juzijuzi kwenye ile kesi ya kodi ambayo ndiyo kwanza niimalize. Hatuna sheria. Kama kuna...

<sup>130</sup> Si ajabu kwamba wale wabunge wakuu wa Uingereza walisema, “Demokrasia ilikuwa ni tanga tu bila nanga.” Hiyo ni kweli, unasimama kwenye kijisanduku cha sabuni, ukiwashawishi watu wakupigie kura. Demokrasia imeoza, na watawala wa mabavu na vingine vyote pia. Kitu chote kimeoza. Hakuna ila kitu kimoja tu kwa Mungu kutenda, ni kukiharibu kitu hicho chote, kama Yeye alivyosema angefanya, na kuanza upya. Sasa angalia jinsi tulivyo karibu na kule Kuja.

<sup>131</sup> Sasa wakati mwanamke huyu... Yeye alimfanyia msaidizi, naye alipaswa kuwa msaidizi wake. Halafu...

<sup>132</sup> Naam, hapa, sijapata mhubiri kukubaliana na jambo hili bado. Nao wanajaribu kulifanya vingine, lakini hata hivyo haina maana kwangu. Wao wanajaribu kusema ya kwamba Adamu na Hawa walikula matofaa fulani. Ndugu, kama... Sisemi jambo hili kwa mzaha sasa, bali nataka kulisema. Kwa kuwa, kama kula matofaa kunawafanya wanawake watambue wao ni uchi, afadhali tuwape matofaa tena. Nanyi mnajua jambo hilo ni kweli.

<sup>133</sup> Mnajua, kula tofaa, hilo silo walilofanya, likawafanya watambue kwamba walikuwa uchi. Bila shaka, haikuwa hilo. Hapana budi ilikuwa ni kujuana kimwili. Ilipaswa iwe, maana wao walitambua walikuwa uchi walipokula tunda hili lililokatazwa. Hivi mwanamke si miti wa matunda? Hivi wewe si tunda la mama yako? Hilo ndilo tunda lililokatazwa kuliwa.

<sup>134</sup> Sasa hapa kuna jambo kuu. Sasa kiwango cha karibu kabisa walichofikia wanasayansi kujuua mwanadamu alikuwa nini... Wanachimbua mifupa ya kale, wanachukua mifupa iliyokauka, kisha wanachukua vichwa, na wanachukua mafuvu ya vichwa, na mikono, na mifupa, na kujaribu kuifanya ioneokane kama mwanadamu. Nao wanajua ya kwamba kitu kilicho karibu sana walichofikia katika kumpata mwanadamu, kinachomfuata, ni sokwe mtu. Ndiye jamii iliyo karibu sana na binadamu; bali hata hivyo hana uhusiano wo wote na mwanadamu, ndiye wa juu zaidi ya wote.

<sup>135</sup> Uhai ulio wa chini sana uliopo ni chura; ulio wa juu sana ni mwanadamu. Mungu alianzia moja kwa moja kule chini kabisa kisha akaendelea moja kwa moja mpaka juu, mpaka akauleta moja kwa moja ukafikia kwenye mfano Wake. Akauleta kutoka kwa ndege na wanyama, na kuendelea juu, hata akafikia kwenye mfano wa Mungu. Yeye alimfanya mtu katika mfano huo. Huo ndio ulio wa juu sana. Ulio wa chini sana ni kiluwiluwi tu aliyegeuka akawa chura, na kadhalika.

<sup>136</sup> Naam, kiungo hiki kilichopotea, ambacho wao hawawezi kukipata. Angalia Maandiko sasa. Ninyi, hamtakubaliana na jambo hili, wengi wenu, bali nataka... ninawataka tu mliweke mawazoni. Wala msilichukie. Sikilizeni.

<sup>137</sup> Najua wengi wenu ndiyo kwanza mmekuwa mkimsikiliza Dr. DeHaan. Mimi bila shaka... Kama mtu wa kadiri yake, na ndugu mzuri wa Kibatisti, bila shaka ninamthamini. Yeye ana akili zaidi na bongo, na—naye alisahau mengi kuliko yale niliyowahi kujuua; maana yeye ni Daktari wa—wa Theolojia, tena ni daktari wa madawa, tena ni Daktari wa Sayansi. Yeye ni mtu mwerevu. Lakini anasema ya kwamba wale... Wakati wana wa Mungu walipowaona wale binti za watu kuwa ni wazuri; yeye anachukua msimamo wa Josephus, na kusema ya kwamba “wao—wao walijilingiza wenyewe katika miili ya binadamu,” na kujitwalia wake. Na kulikuwako na wanefeli katika nchi ya Nodi. “Nao wakajitwalia wake na kuishi nao, wakati wana wa Mungu, Malaika walioanguka, walipowachukua na kuwaona binti za wanadamu; na tamaa ya kujuana kimwili ilikuwa jambo lililopendwa sana, na hata hivyo wao wakiwa wenye dhambi kutokana na kuanguka, walijilingiza wenyewe katika miili ya binadamu.”

<sup>138</sup> Kama wangefanya jambo hilo, wanaharibu kuponya Kiungu, wanaharibu cho chote kile. Kama ibilisi anaweza kuumba,

ye ye ni sawa na Mungu. Ibilisi hawezi kuumba. Ninawatakeni mnionyeshe mahali pamoja ambapo ibilisi anaweza kuumba. Hawezi kuumba. Yeye hupotosha tu kile kimeisha umbwa. Yeye si muumbaji. Ni mpotoshaji tu.

<sup>139</sup> Vema, basi, nini kilitukia? Angalieni. Hii hapa tafsiri yangu. Hiki hapa kiungo kilichopotea.

<sup>140</sup> Sasa wao wana sokwe mtu, bali huwezi kuzalisha sokwe mtu na mwanamke na kumzaa mtoto. Huwezi kuzalisha mwanadamu na mnyama ye yote. Hawatachanganyikana. Huwezi kumpa damu, mnyama ye yote.

<sup>141</sup> Nilipokuwa Afrika, waliwatendea maskini watu hao weusi kule mabaya sana; mtu fulani akaniambia, kasema, “Wao si kitu ila wanyama.”

<sup>142</sup> Nikasema, “Samahani. Wao ni wanadamu tu kama ulivyo wewe, labda zaidi kidogo.” Hebu niwaambieni, unapokuwa na msimamo wa namna hiyo, unaelekea kuwa mnyama. Nikasema, “Huyo mtu, hata awe mweusi kama ree ya shupaza, ama ni wa majano kama boga, ama kama ye ye ni samawati kama nili, angeweza akayaokoa maisha yako kwa kukupa wewe damu. Bali usijitie kamwe damu ya mnyama.” Bila shaka, ye ye ni mwanadamu.

<sup>143</sup> Ati kwa sababu tu ngozi moja ilikuwa nyeusi, na hiyo nyingine ni ya hudhurungi, na nyingine manjano, na nyingine ni nyeupe, hilo halina uhusiano wo wote na jambo hilo. Biblia ilisema, “Mungu kwa damu moja aliwafanya watu wote.” Na hiyo ni kweli kabisa. Mahali tulipoishi, pakibadilisha rangi zetu, hapakuwa na uhusiano na jambo hilo. Mungu alifanya kwa mmoja—kwa mtu mmoja mataifa yote, damu moja, mataifa yote namna ile ile.

<sup>144</sup> Wachina; mtu mweusi hawezi kusema sasa, mtu mweusi hawezi kusema sasa, ya kwamba, “Mchina yule, ye ye—ye ye ni wa manjano, mimi sitakuwa na uhusiano wo wote naye.” Yeye ni ndugu yako. [Ndugu Branham anapigapiga mimbarani mara kadha—Mh.] Nanyi watu weupe hamwezi kumwambia mtu wa manjano wala mtu mweusi, ye yote yule, “Sina uhusiano wo wote nawe.” Yeye ni ndugu yako. Kweli kabisa.

<sup>145</sup> Angalia sasa, hili ndilo lililotukia. Ninaamini, nami naweza kuliunga mkono kwa Biblia, ya kwamba nyoka ndiye aliyefanya jambo hilo. Nyoka ndiye yule mtu aliyepotea kati ya sokwe mtu na mwanadamu. Maana, sikilizeni, angalieni jambo hili sasa, ya kwamba nyoka hakuwa kiumbe kinachotambaa. Alikuwa “mwerevu” kuliko wanyama wote wa kondeni.

<sup>146</sup> Naam, nilienda nikachukua kamusi, leo, kutoka kila mahali, kuchunguza neno hili, maana ya neno *mwerevu*. Linamaanisha “kuwa na akili, kuwa mjanja,” na, tafsiri nzuri sana ya—ya Kiebrania (kutoka m-a-h-a-h, mahah) linamaanisha “kuwa na maarifa halisi ya kanuni za uhai.”

<sup>147</sup> Sasa hebu tuangalie jambo hili kwa muda kidogo tu. Yeye ni mwerevu, mjanja, hata hivyo anaitwa “nyoka.” Lakini, kumbukeni, alikuwa ndiye mwerevu sana aliye kuwako, na alifanana zaidi na mwanadamu kuliko kitu cho chote kilichokuweko kondeni; aliye kuwa anafanana sana na mwanadamu. Yeye hakuwa kiumbe kinachotambaa. Ile laana ndiyo iliyomfanya kiumbe kinachotambaa. Naye alikuwa... Biblia ilisema yeye ndiye aliye kuwa na sura nzuri sana kuliko wote.

<sup>148</sup> Wala hata ile laana haikuondoa urembo wake wote; hata sasa rangi nzuri sana za nyoka zinapendeza, na madaha yake na ujanja wake. Hata ile laana haikuyaondoa. Lakini, kumbukeni, Mungu alimwambia ya kwamba miguu yake ingetoka naye angetambaa kwa tumbo lake. Nawe huwezi kuona mfupa mmoja katika nyoka unaofanana na wa binadamu, na hiyo ndiyo sababu sayansi imepotea. Bali ni huyo hapo.

<sup>149</sup> Mungu alificha jambo hilo kutoka kwenye macho ya wenye akili na werevu, na akaahidi kulifunulia wana wa Mungu, katika siku za mwisho wakati wana wa Mungu watakapodhihirisha, wakati, “Wana wa Mungu waliofurahi hata kabla ya kuwekwa misingi ya dunia.” Wakati ule ufunuo mkuu wa Uungu na kadhalika vingeshushwa katika siku za mwisho, Yeye angedhihirisha mambo haya kupitia wana wa Mungu. Mnajua Maandiko yanafundisha jambo hilo. Nasi tumewasili. Hiyo ndiyo sababu Mungu anatufunulia mambo haya. Mungu anawaleta wanawe katika kudhihirisha. Yeye anaenda na kuvuka vikomo vyaa maarifa yo yote ya mwanadamu, moja kwa moja hadi kwenye funuo za kiroho, na kuushusha chini. Je! hatukuwa tunafundisha, katika Biblia hii, “Hili ni kwa yeye aliye na hekima”? Si yale amesomea katika seminari fulani; bali kile alicho jifunza akiwa magotini mwake mbele za Mungu, na yale yaliyompendeza Mungu kumpa. Wana wa Mungu, wakidhihirisha!

<sup>150</sup> Huyu hapa nyoka, sasa hivi ndivyo alivyokuwa yule nyoka; mimi nitawapa maelezo yangu kumhusu yeye.

<sup>151</sup> Tuna ile... tunashuka, kutoka chura, kuendelea hadi kwa kile kiluwiluwi, na kuendelea chini na kuendelea, *na kadhalika na kadhalika*, hata hatimaye unafikia kwenye tumbili, kwenye sokwe mtu. Na toka sokwe mtu, sasa tunaruka toka sokwe mtu mpaka kwa mwanadamu, nasi tunashangaa kwa nini.

<sup>152</sup> “Vema,” sayansi inasema, “sasa ngojeni! Tunaweza kumzalisha mwanamke kwa tumbili na kwa sokwe, halafu vinginevyo, mwanamume azae kwa sokwe.” Haitawezekana. Mzalishe na mnyama mwingine ye yote; haitawezekana. Damu haitachanganyana; chukua damu yako, ni damu tofauti kabisa, kabisa.

<sup>153</sup> Kuna damu katikati hapa, nao hawawezi kumpata mnyama huyo. Loo, haleluya, ninaanza kujisikia wa kubarikiwa sasa hivi. Angalia. Mbona? Mungu aliwaficha wao jambo hilo. Hamna mfupa ndani ya nyoka unaofanana na mfupa wa binadamu. Yeye aliweka jambo hilo mbali sana hata lisingegunduliwa na mtu mwerevu.

<sup>154</sup> Nami nitawaonyesha mahali anapotoka mtu huyo mwerevu, a—aliko, hata hivyo. Mnaona, yeye hawezi kuja kupitia jambo hilo.

<sup>155</sup> Halina budi kuja kwa ufunuo, “Wewe ndiwe Kristo, Mwana wa . . .” “Juu ya mwamba huu nitalijenga Kanisa Langu; na milango ya kuzimu haitalishinda,” ufunuo wa kiroho. Hivi—hivi Habilii alijuaje kumtoa mwana-kondoo, badala ya Kaini kutoa matunda ya kondeni? Lilifunuliwa kwake kiroho. Huupati kwa seminari. Huupati kupitia madhehebu. Unaupata kutoka Mbinguni.

<sup>156</sup> Sasa mwangalie yule nyoka, huyu nyoka aliyekuwa kwanza. Hebu tuchore picha yake sasa. Yeye ni mtu mkubwa mno. Yeye yuko kati ya sokwe mtu na mwanadamu. Na, yule nyoka; ibilisi, Lusifa, aliju ya kwamba hiyo ndiyo damu tu ambayo ingechanganyikana na damu hii ya mwanadamu, mtu pekee angeliweza kushughulika naye. Yeye asingeweza kujishughulisha na sokwe mtu, damu hiyo isingechanganyikana. Asingejishughulisha na vitu tofauti. Asingejishughulisha na kondoo. Asingejishulisha na tofauti. Asingejishughulisha na mnyama ye yote; ilimbidi kujishughulisha na huyu nyoka.

<sup>157</sup> Hebu tumchukue sasa tuone anafanana na nini. Yeye ni mtu mkubwa mno, jitu la zamani za kale sana. Huko ndiko wanakopata mifupa hii mikubwa, nami nitawaonyesha jambo hili katika Biblia. Sasa angalia kwa makini. Vema. Mtu huyu mkubwa mno, hebu tuseme yeye—yeye alikuwa na urefu wa futi kumi, mabega makubwa mno; alifanana tu kabisa na mwanadamu. Nayu damu yake; baada ya yeye kushuka akaja, kulinganisha mnyama mmoja na mwingine. Unaweza kuwazalisha wanyama. Na iliendelea kuwa damu ya hali ya juu, maisha ya hali ya juu, hali ya juu, mpaka yanapanda mpaka kwenye milki ya mwanadamu. Bali kiungo cha mwisho hapa, katikati hapa, kilikatwa kikaondolewa. Ni wangapi wanaojua ya kwamba sayansi haiwezi kupata kile kiungo kichilopotea? Nyote mnajua jambo hilo. Kwa nini? Huyu hapa, yule nyoka. Alikuwa hapa, yule jamaa mkubwa mno.

Ndipo ibilisi anashuka, sasa, anasema, “Ninaweza kuvuvia.”

<sup>158</sup> Sasa wakati unaanza kuwaangalia wanawake, na kucheza pamoja na wanawake, kumbuka, una upako wa ibilisi; si mkeo.

<sup>159</sup> Angalia, sasa, ibilisi alishuka na akaingia katika yule nyoka. Kisha akamwona Hawa katika bustani ya Edeni, uchi, naye akazungumza juu ya lile tunda la katikati. *Katikati*

inamaanisha “sehemu ya katikati,” na kadhalika; mnaelewa, katika kusanyiko lililochanganyikana. Ndipo akasema, “Naam, ni zuri. Ni zuri kwa macho.” Ndipo alifanya nini? Akaanza kufanya mapenzi na Hawa, halafu akamjua kimwili, kama mume.

<sup>160</sup> Basi mwanamke akaona lilikuwa zuri, kwa hiyo akaondoka akaenda akawambia mumewe, bali tayari alikuwa ametiwa mimba na Shetani.

<sup>161</sup> Ndipo akamzaa mwanawewe wa kwanza, ambaye jina lake lilikuwa ni Kaini, mwana wa Shetani.

“Sasa,” mnasema, “huo ni uongo.”

<sup>162</sup> Vema, tutaona tu kama ni uongo ama ni kweli. “Nami nitaweka uadui kati ya Uzao wako na uzao wa nyoka.” Ati nini? Uzao wa nyoka! Mwanamke alikuwa na Uzao, naye nyoka alikuwa na uzao. “Huo utakuponda kichwa chako, na wewe utamponda Yeye kisigino.” Nako *kuponda*, hapo, kunamaanisha “kufanya Upatanisho.” Basi huo hapo “uzao” wako wa nyoka.

Sasa, angalia, hawa hapa wanatokea watu hawa wawili.

<sup>163</sup> Sasa, huyu nyoka, aliposimama pale, jitu hili kubwa mno likasimama pale, lilikuwa na hatia ya kufanya uzinzi na mke wa Adamu. Dhambi inakaa wapi leo? Kitu gani kinayafanya mambo yawe jinsi yalivyo leo? Sasa, mimi—mimi... Hakika mnaweza kufahamu ninalosema. Basi hivyo ndivyo ilivyokuwa.

Basi alipofanya jambo hilo, Mungu akasema, akaanza kuwaita Hawa na Adamu.

Naye akasema, “Nilikuwa uchi.”

Ndipo akasema, “Ni nani aliyekwambia ya kwamba ulikuwa uchi?”

<sup>164</sup> Ndipo wakaanza, kwa mtindo wa kijeshi, kulaumiana. Kasema, “Vema, mwanamke uliyenipa Wewe, alifanya jambo hilo. Ndiye aliyenishawishi.”

<sup>165</sup> Ati naye akasema, “Nyoka ndiye aliyenipa tofaa”? Vema, mhuhiri, jichunguze.

<sup>166</sup> Mwanamke akasema, “Nyoka alinidanganya.” Mnajua maana ya *kudanganya*? Linamaanisha “kunajisi.” Naye alinajisiwa. Ibilisi hakumpa tofaa kamwe. “Nyoka amenidanganya.”

Ndipo laana ikaja.

<sup>167</sup> Yeye akasema, “Kwa sababu ulimsikiliza nyoka badala ya mumeo, umeuondoa Uhai ulimwenguni. Nawe uta—utazidisha uchungu wako; na kuzaa kwako kutakuwa kwa mumeo,” na kadhalika.

<sup>168</sup> “Na kwa kuwa ulimsikiliza mke wako, badala ya Mimi (nimekutoa mavumbini; kiumbe kilicho cha hali ya juu sana), utarudi mavumbini.”

<sup>169</sup> “Na, nyoka, kwa kuwa umefanya jambo hilo, miguu yako itatoka. Kwa tumbo lako utakwenda, siku zote za maisha yako. Nawe utachukiwa. Na mavumbi yatakuwa chakula chako.” Haya basi. Hicho hapo kiungo kile kilichopotea.

<sup>170</sup> Sasa huyu hapa Kaini anakuja. Hebu tuzitazame hisz tabia. Huyu hapa Kaini anakuja. Yeye ni kitu gani? Yeye ni mwanabiashara mjanja. Analima mashamba. Mwerevu, mwenye akili; mwanadini, mwanadini sana; angalia ninii zake—angalia sifa zake sasa. Hebu twende sote pamoja kwa dakika chache zaidi tu.

<sup>171</sup> Huyu hapa anakuja. Yeye anajua ya kwamba ni mwadilifu. Anataka kwenda kanisani. Anajenga kanisa, anatoa dhabihu. Analeta madhabahu, na kila kitu. Akajenga madhabahu, akaweka maua yake juu yake. Akawekaconde, matunda ya kondeni, akamtolea Mungu. Akasema, “Haya basi, Bwana. Najua tulikula matofaa, hilo ndilo lililosababisha jambo hilo.” Baadhi ya watoto wake wana wazo la namna ile ile. Inaonyesha hilo linatoka wapi. Akaleta matofaa yake, kutoka kondeni, akayaweka pale, kasema, “Haya yatafanya upatanisho.”

Mungu akasema, “Haikuwa matofaa.”

<sup>172</sup> Lakini, kwa ufunuo wa kiroho, Habilii alijua ilikuwa ni damu. Kwa hiyo akamleta mwana-kondoo, akamkata shingo lake, akafa.

<sup>173</sup> Ndipo Mungu akasema, “Sawa. Hilo ndilo lililosababisha jambo hilo. Ilikuwa ni damu.” Mnajua ni damu gani ninayonena habari zake. Sawa. “Damu ndio iliyosababisha jambo hilo.”

<sup>174</sup> Sasa angalia. Na basi Kaini alipomwona ndugu yake mtakatifu anayejifingirisha amekubalika mbele za Mungu, na ishara na maajabu zilikuwa zikitendeka kule, alimwonea vivu. Akasema, “Tutakomesha upuuzi huu sasa hivi.” Waangalie ndugu zake, waangalie watoto wake, siku hizi. “Naam, mimi ni mwerevu kuliko aliyivo yeye,” kwa hiyo akakasirika. *Hasira* ilitoka wapi? Ungeweza kusema ya kwamba hasira hiyo... Yeye alimwua ndugu yake. Alikuwa mwuaji.

<sup>175</sup> Ungeweza kumwita Mungu mwuaji? Naye Adamu alikuwa mwana wa Mungu. Biblia ilisema, ya kwamba, “Adamu alikuwa mwana wa Mungu,” ule mwanzo msafi kule nyuma. Adamu alikuwa mwana wa Mungu. Na ule vivu na husuda, na kila kitu, visingweza kutoka kwenye mkondo ule msafi.

<sup>176</sup> Ulipaswa kuja kupitia mahali pengine. Nao ulikuja kupitia kwa Shetani, aliyekuwa mwuaji, kwanza. Biblia ilisema, “Yeye alikuwa mdanganyifu na mwuaji, kwanza.” Haya basi. Naye akamwua ndugu yake.

<sup>177</sup> Basi huo ulikuwa ni mfano wa mauti ya Kristo. Halafu, kutokana na jambo hilo, bila shaka, Yeye akamwinua Sethi

kupachukua mahali pake. Mauti, kuzikwa na kufufuka kwa Kristo.

<sup>178</sup> Angalia, basi, hawa hapa wanefili wako wanakuja. Ndipo Kaini akaenda katika nchi ya Nodi. Kama baba yake alikuwa jitu kubwa mno, Kaini angekuwa kama nani? Babaye. Naye akaenda katika nchi ya Nodi, akamchukua mmoja wa dada zake.

<sup>179</sup> Njia pekee yeche tu angaliweza kufanya. Hakuna mahali pengine wanawake wangetokea, ila tu kuititia kwa Hawa. Wanadai wao walikuwa na wana na binti sabini. Kama—kama hakukuweko na wanawake... Biblia haiwaandiki wanawake wanapozaliwa, ni wanaume tu. Basi wakati, kama hakukuweko na wanawake wengine ila Hawa, wakati alipokufa, jamii ya binadamu ilikoma kuweko. Ilimbidi kuwa na binti. Naye ilimbidi kuoa dada yake mwenyewe.

<sup>180</sup> Alienda katika nchi ya Nodi akampata—akampata mkewe. Basi alipokwisha kumwoa huko, huko ndiko walikowapata wale majitu wakubwa mno, ambao walikuwa ni wana wa Mungu walioanguka; walikuja kuititia kwa baba yao, ibilisi, kuititia kwa Kaini. Hicho hapo kiungo chako kilichopotea.

<sup>181</sup> Basi angalia ule uzao wa nyoka. Sasa angalia. Kumbuka, uzao wa nyoka ni wa kidini. Uangalie ukianza kutenda kazi sasa, kwa dakika chache. Huu hapa unaenda, uzao wa nyoka. Ni nini kilichowapata? Sasa hebu nisome kitu fulani hapa, ambacho ndiyo kwanza nikiandike alasiri ya leo.

<sup>182</sup> Ni nini kilichopitia kwenye ukoo wa Habili? Sikilizeni jambo hili. Sawa. Moja kwa moja akaja Habili. Baada ya Habili akaja Sethi. Baada ya Sethi akaja Nuhu. Baada ya Nuhu akaja Shemu. Baada ya Shemu akaja Ibrahimu. Baada ya Ibrahimu akaja Isaka. Baada ya Isaka akaja Yakobo. Baada ya Yakobo akaja Yuda. Baada ya Yuda akaja Daudi. Baada ya Daudi akaja Kristo, kwenye ule ukamilifu.

<sup>183</sup> Angalia kule nyuma jinsi Roho wa Mungu alivyoishi katika Habili. Angalia jinsi alivyoishi katika Sethi. Angalia jinsi alivyoishi katika Yuda. Angalia jinsi alivyoishi katika Daudi. Mwangalie Roho yule yule akiita, kuititia ule uzao wenyewe haki, kote kote kule nyuma. Haidhuru walifanya nini, walikuwa wamechaguliwa tangu awali.

<sup>184</sup> Mwangalie Yakobo, mchafu... Sisemi jambo hili kwa kukufuru. Bali Yakobo, maskini mdanganyifu, aking'inia chini ya koti la mamaye kila wakati; akitangatanga, mvulana dondoadume. Akajivalisha vitu, akaondoka akaenda akamdaganya babaye, kusudi apate zile baraka; bali alipewa hizo kabla ya kuwekwa misingi ya ulimwengu. Hakika, alipewa hizo.

<sup>185</sup> Akaondoka akaenda kule akamdaganya baba mkwe wake; na kuchukua vijiti vyenye milia, vijiti vyembamba, kisha

akaviweka majini, kuwaogopesha hawa ng'ombe walipokuwa waja wazito; kuwafanya wazae ng'ombe wenye milia, ili apate kudangaya na kuwachukua ng'ombe hao. Mungu alimbariki katika jambo hilo. Hiyo ni kweli.

<sup>186</sup> Ole wake mtu ye yote asemaye neno juu ya Yakobo. Unajua yale—unajua yale yule nabii wa uongo aliyosema... Ama, alikuwa akitabiri kweli. Balaamu, alisema, “Kila anayembariki atabarikiwa, na kila amlaaniye atalaaniwa.”

<sup>187</sup> “Nilikuchukua, Yakobo. Nilimwona kama...kama kwenye nchi ya ugeni. Na kama vile tai avurugavyo kiota chake, nilimvuruga nikamtoa.” Haleluya! [Ndugu Branham anapiga makofi mara tatu—Mh.] “Si kwa nguvu, wala uweza, bali kwa Roho Yangu, asema Bwana.”

<sup>188</sup> Angalia jambo hilo likifikia ukamilifu huo. Roho huyo alitenda kazi hata kwenye utimilifu katika Kristo, kupitia kila mmoja wa wale Wazee wetu, akishuka moja kwa moja. Haidhuru wao walifanya kitu gani, yale waliyosema, yale waliyofanya, wao walikuwa kabisa uzao wa wenye haki.

<sup>189</sup> Pia, hapa, wakati Ibrahimu mwenye haki... Utukufu! Loo, ninajisikia vizuri sana. Wakati Ibrahimu mwenye haki alipokutana na Melkizedeki, Ambaye alikuwa Mungu Mwenyewe!

<sup>190</sup> Melkizedeki alikuwa nani? “Mfalme wa Salemu, ambaye ni Mfalme wa Yerusalem, Mfalme wa Amani. Yeye hakuwa na baba. Hakuwa na mama. Hakuwa na mwanzo wa siku Zake, wala mwisho wa maisha Yake.” Hata awe ni Nani, Yeye yungali hai. “Hakuzaliwa kamwe. Hatakufa kamwe. Hajapata kuwa na baba wala mama. Hakuwa na mwanzo wa siku Zake, wala mwisho wa maisha Yake.” Niambie Yeye alikuwa nani. Mungu wa milele; katika ule tunaouita ninii... .

<sup>191</sup> Jamani, ninasahau tu vile mnnavyouita huo sasa. Mwili wa Kiungu, ndivyo ulivyo. Kama tu katika... Si hadithi ya kubuni; bali hata hivyo ni kitu tu kilichodhihirishwa. Kama vile alivyomjia Ibrahimu hemani kule juu, kama malaika, na kutabiri, na kumwambia Sara alicheka, nyuma Yake, na kadhalika. Kile kitu, kitu kile kile.

<sup>192</sup> Naye alikuwa hapa. Alikutana na Melkizedeki. Na ba-... baba ya babu wa Ibrahimu, katika ule uzao wa wenye haki, akamtolea Melkizedeki zaka; na ilihesabiwa kwa kitukuu chake hapa chini, ule uzao wa wenye haki.

<sup>193</sup> Sasa hapa unakuja uzao wa—wa nyoka. Sasa, kumbukeni, kutakuweko na uadui, vita kati yao.

<sup>194</sup> Uzao wa nyoka unakuja, nao unazaa nini? Sasa hebu tuchukue miaka michache ya mwanzoni. Sasa angalia jambo linalotukia kule. Tatalisoma toka juu, sababu ndiyo kwanza

nilichunguze. Uzao wa nyoka ulimzaa Kaini. Kaini akaenda nchi ya Nodi, akazaa wanefili, kisha wakaja kwenye nchi ya Nuhu.

<sup>195</sup> Wao walikuwa watu werevu, wenye elimu, wenye akili. Sivyo? Walikuwa wajenzi, wavumbuzi, wanasyansi; si kupitia kwa uzao wa wenye haki, bali kupitia kwa uzao wa Shetani, yule nyoka. Walikuwa watu kama—kama wanasyansi, na wajenzi, na watu mashuhuri, waalimu. Maandiko yanasema hivyo. Walifua shaba. Walifua chuma. Walifua madini. Walivumbua vitu. Walifua madini mbalimbali, na wakajenga majumba, na kadhalika. Maandiko yanasema jambo hilo. Nao walikuwa wenye kudhihaki ule Mzao wa mwanamke, Nuhu, yule mwenye haki. Sivyo? [Kusanyiko linasema, “Amina.”—Mh.]

<sup>196</sup> Hebu na tuwafuatilie mbele kidogo. Halafu, tunawafuatilia mpaka kwenye ile safina, kila kitu kiliangamizwa. Ikafikia katika lundo kubwa sana la dhambi, nao wakachukua mamlaka, watu werevu sana na wenye akili sana. Mpaka, Mungu akatazama chini, hawakuwa wamebaki wengi sana, kwa hiyo akamchukua tu Nuhu na jamaa yake akawaingiza katika safina, kisha akanyesha maji akatiangamiza kitu hicho chote. Akamnyakua Henoko, kwanza. Hiyo ni kweli? [Kusanyiko linasema, “Amina.”—Mh.] Kulikuwako na uzao wote, karibu uzao wote; bali Yeye ana kusudi halina budi kutimizwa.

<sup>197</sup> Basi, Nuhu na wanawe, waliotoka, Ham, Shem, na Yafethi, walitokea kwenye ule uzao wa wenye haki.

<sup>198</sup> Ule uzao ulivukaje? Huo uzao ulikuja kwenye ile safina, kama tu ulivyofanya hapo mwanzo, kupitia kwa mwanamke, wake zao. Wao walibeba uzao wa Shetani, kupitia kwenye ile safina; kama tu vile Hawa alivyobeba uzao wa Shetani, kumzaa Kaini, kwa yule mwanamke.

<sup>199</sup> Ati mnawaweka hao wanawake kwenye jukwaa zenu kama wahubiri, Biblia inakataza jambo hilo! Paulo alisema, “Mtu ye yote akijiona kuwa ni nabii, ama hata kuwa ni wa rohoni, na atambue ya kwamba hayo ninayoandika ni maagizo ya Bwana; bali kama mtu akiwa mjinga, na awe mjinga tu.”

<sup>200</sup> Hiyo ndiyo sababu nilitoka kwenye kanisa la kibatisti hapa chini. Ndugu Fleeman alikuwa hapa muda kidogo uliopita; nafikiri alikuwa kule usiku huo. Dr. Davis alisema, “Wewe utasimama hapa ukawaweke wakfu wanawake wawe wahubiri.”

Nikasema, “Sitafanya jambo hilo. La, hasha.”

Yeye akasema, “Vema, nitakufukuza.”

<sup>201</sup> Nikasema, “Nimefukuzwa kutoka mahali bora zaidi.” Nikasema, “Hili ni Neno la Mungu, nalo linakataza jambo hilo. Nami siwezi kushikilia jambo ambalo Mungu amekataa.” La, bwana.

<sup>202</sup> Mtu ye yote anayefanya jambo hilo, inaonyesha wao ni waalimu wa uongo, manabii wa uongo. Biblia ilisema wangekuwa hivyo. “Wawapoteze walio wateule kama yamkini.” Haya basi.

<sup>203</sup> Angalia jambo hili sasa. Na kutoka pale, basi, akaja Ham, Ham na mkewe, na hao wengine. Yeye alilaaniwa. Kutoka kwa Ham akaja Nimrod, aliyeujenga Babeli. Kutoka Babeli likaja kanisa Katoliki, mwanzo wake. Ukaja kupitia kwa Ahabu. Likashuka kutoka kwa Ahabu, likamwingia Yuda Iskariote; likaishia, kwenye mpinga Kristo.

<sup>204</sup> Na katika siku hizi za mwisho, hii hapa roho ya mpinga Kristo na Roho wa Kristo. Roho ya mpinga Kristo, ikisema, “Siku za miujiza zimepita.” Roho wa Kristo, ikisema, “Ni yeye yule jana, leo, na hata milele.” Roho wa mpinga Kristo akisema, “Haileti tofauti yo yote kama ukibatizwa katika ‘Baba, Mwana, Roho Mtakatifu,’ ukamwagiwa, ukanyunyiziwa, chochote kile, inamaanisha jambo lile lile.” Biblia ilisema ya kwamba Mungu hakosei, wala hawezি kubadilika. Utamtumikia nani? Ni juu yako.

<sup>205</sup> Sasa unasema, “Wao wanaweza kuishi pamoja? Ulisema, ya kwamba, mle katika ile safina, Ndugu Branham, kulikuwako na Hamu na Sethi pia.” Hiyo ni kweli, ni kweli kabisa. Hamu alikuwa mwovu. Sethi alikuwa wa kidini na mwenye haki. Vema.

<sup>206</sup> Hebu tumfuatilie Hamu. Vema, sasa, hao hapo Hamu na Sethi katika safina ile ile; mmoja mwenye haki, na mwininge asiye haki. Kulikuwako na kunguru na njiwa katika safina ile ile. Kulikuwako na Yuda na Yesu katika kanisa lile lile. Kulikuwako na mpinga Kristo na Roho Mtakatifu katika kanisa lile lile.

<sup>207</sup> Pia, leo, roho zile zile zinatenda kazi. “Wakiwa na mfano wa utauwa, wa kidini sana, bali wakiwa na mfano wa utauwa huku wakikana Nguvu zake; hao nao ujiepushe nao.” Roho Mtakatifu, akidai, Yesu Kristo ni yeye yule jana, leo, na hata milele.” Utachagua upande gani?

<sup>208</sup> Mpinga Kristo anasema ya kwamba *Hiki* ni kitabu tu cha kanuni za imani. [Ndugu Branham anaonyesha Biblia yake—Mh.] “Tutakariri Imani ya Mitume.” Ninamsai mhubiri ye yote aniambie mahali ambapo Imani ya Mitume inapatikana katika Biblia: “Ninaamini Mungu, Baba Mwenye Nguvu, Muumba wa mbingu na nchi; na Yesu Kristo, Mwanawе. Ninaamini katika Kanisa Takatifu la Katoliki la Kirumi, ushirika wa watakatifu.” Unapata wapi jambo hilo katika Biblia? Nanyi mtaikariri katika makanisa yenu makubwa ya Kimethodisti na Kibatisti. Ni fundisho la ibilisi, nao manabii wa uongo wanalfundisha.

<sup>209</sup> Nami natumaini siwaudhi, bali ninasisitiza jambo hilo katika maskani hii. Ninyi hapa kwenye Maskani ya Branham, jiepusheni na upuuzi kama huo. Kitu cho chote kinachoamini katika ushirika wa watakatifu ni imani ya mizimu. “Kuna

mpatanishi mmoja kati ya Mungu na mwanadamu, na huyo ni Mwanadamu Yesu Kristo.” [Ndugu Branham anapigapiga mimbarani mara nne—Mh.] Sijali kuna Mariamu wangapi!

<sup>210</sup> Mnaona jinsi uzao huo wa mwanamke kule nyuma ulivyoofanya? Mnaona jinsi ule uzao wa mwanamke ulivyopitishwa kule ng’ambo?

<sup>211</sup> Angalieni siku hizi, katika Marekani. Marekani ni mzao wa ibilisi. Ni kitu gani? Ni taifa la mwanamke. Mmesikia, “Huu ni ulimwengu wa wanawake.” Hiyo ni kweli. Ni taifa la wanawake. Ndio wanaoweka mtindo.

<sup>212</sup> Nilienda huko, Uswisi; Uswisi. Hao wanawake wakisema . . . Maskini mwanamke mmoja aliyejazwa na Roho Mtakatifu akasema, “Unajua, kama nikienda kule Marekani, wao wanasesma wanawake wana uhuru.”

<sup>213</sup> Nikasema, “Hebu nikwambie jambo hilo linakoelekeza.” Ndipo nikaanza kumwambia.

Akasema, “Loo, rehema, sitaki cho chote cha mambo hayo.”

Nikasema, “Huko ndiko jambo hilo linakoongoza.”

Mnajua, wao hawafanyi mambo kule kama wanavyofanya hapa.

<sup>214</sup> Ni kitu gani? Hebu niwaonyeshe ya kwamba Marekani ni mwanamke. Kwenye sarafu yetu kuna picha ya mwanamke. Kila kitu humu ni mwanamke.

<sup>215</sup> Niambieni, hamna mabaa ya kutosha nchini, ingepasa . . . Unaweza kuweka mabaa arobaini kwenye jiji hili, na uwaweke malaya watatu, wanawake warembo wanaokatika viuno mitaani; wao watawapeleka watu wengi zaidi jehanamu, wanaowatamani, kuliko mabaa yote ungaliweza kuweka jijini. Hiyo ni kweli kabisa.

<sup>216</sup> Ni nani basi? Ni mwanamke. Yeye ni nani? Ndiye mungu wa Marekani.

<sup>217</sup> Chukua baadhi ya hao maskini wacheza sinema, kisha uje hapa, wameolewa mara nne ama tano, wakiishi na waume watatu ama wanne mbalimbali wakati ule ule; na baadhi ya magazeti haya yakiwaonyesha na kuwaambia, yakiwapiga picha wakiwa uchi hapa nje. Nanyi wasichana wadogo mnawaweka hao kama mfano wenu, (kwa nini?) kwa sababu mama yenu aliywetangulia, labda, nyanya yenu aliywetangulia. Mnaona mahali huo uzao wa nyoka unapofanya kazi? Bila shaka, ndivyo ilivyo.

<sup>218</sup> Basi umefanya kitu gani? Kama uovu utapatilizwa kwa vizazi kumi na vinne, chini ya torati, uovu utakuwaje kama ukipatilizwa katika siku hizi, wakati ambapo uzao wa wenye haki uko karibu kwisha? Naye Mungu alisema ungekuja wakati, kama hakuikitiza kazi, kusingesalia na hata mmoja. Tuko

katika wakati wa mwisho. Watafute wenye haki usiku wa leo; pita mijini!

<sup>219</sup> Loo, unawakuta wafuasi wa kanisa wakiwa waaminifu tu kwa Wabatisti na Wapresbiteri, na kadhalika, kama iwezavyo kuwa. Bali hawana uhusiano wo wote na Mungu zaidi ya sungura asivyo nao wa kuvali viatu vya theluji. Hawajui kitu juu Yake! Yote wajuayo... Wewe ni Mkristo? "Mimi ni Mkatoliki." Wewe ni Mkristo? "Mimi ni Mbatisti." Wewe ni Mkristo? "Mimi ni Mpresbiteri." Wewe ni Mkristo? "Mimi ni Mpentekoste." Jambo hilo halina uhusiano wo wote na Huo.

<sup>220</sup> Wewe ni Mkristo kwa sababu ya kwamba Mungu, kwa neema Yake, alikuokoa. Nawe unajua jambo Hilo. Na kitu fulani kimeyabadilisha maisha yako, hata unaishi tofauti. Nawe ni mtu mpya na kiumbe kipyata katika Kristo Yesu. Bila shaka.

<sup>221</sup> Bali unaona mahali ulipo ule uzao wa nyoka? Uzao wa nyoka ulikuwa nini? Uzinzi. Mnaelewa? Uzinzi na Hawa. Nini kilichotokea kwa jambo hilo? Ni nini kilichosababisha jambo hilo? Ni kitu gani usiku wa leo?

<sup>222</sup> Angalia nyuma kule ng'ambo, miaka michache iliyopita, wakati ule wimbo wa kwanza ulipotokea. Ninyi wazee, wakati ile... Walikuwa na tabia ya kuzikagua nyimbo kabla hawajaziruhusu kuimbwa redioni. Basi wa kwanza uliotokea, ulikuwa ule wa, "Zikunjeni, enyi wasichana, zikunjeni, mkaonyeshe magoti yenu marembo," na yote namna hiyo. "Wachekeni baba na mama, na muwape wote 'ha-ha-ha!'" Huo ndio wa kwanza walioruhusu uingie kisiri. Mnafikiri yuko wapi usiku huu yule jamaa aliyeuandika wimbo huo? Amekufa.

<sup>223</sup> Unafikiri nini juu ya Clara Bow, aliyejukwa kwanza na kusema, "ile mikunjo ya hatari," na kule kuvua nguo kulikowapeleka maelfu jehanamu? Unafikiri ye ye yuko wapi usiku huu? Amekufa zamani. Yuko wapi, na mwili huo wake? Umelala kule ng'ambo, umeoza mavumbini, na mabuu na funza yameula yakaumaliza. Nayo nafsi yake imekaa huko ng'ambo mbele za Mungu mwenye haki.

<sup>224</sup> Yuko wapi yule mwanamume aliyejukwa mwanamke huyo na kutengeneza nguo hizo za kale zinazoonekana chafu ambazo wao wanazivaa, zinazowabana kwa namna moja ama nyininge, na kuwakaa vibaya? Kwa hiyo wangefanya jambo hilo kwa sababu gani? Unavaa vitu vya namna hiyo kwa sababu gani? Kwa sababu unataka mwanamume akuangalie, na hakuna njia nyininge ya kuthibitisha jambo hilo. [Ndugu Branham aligongagonga mimbara mara kadha—Mh.]

<sup>225</sup> Hivi unajua ya kwamba unapofanya jambo hilo, na maskini mwenye dhambi anakuangalia, unajua ni nini kimetendeka? Kwenye ile Hukumu... Unasema, "Ndugu Branham, mimi ni mwaminifu tu kwa mume wangu niwezavyo kuwa." Utahesabiwa mwenye hatia ya kufanya uzinzi. Yesu alisema,

“Kila mtu amtazamaye mwanamke kwa kumtamani amekwisha kuzini naye moyoni mwake.” Wakati itakapombidi mtu huyo kujibu kwa kufanya uzinzi, ni nani atakayekuwa amesababisha jambo hilo? Jinsi ulivyovalia na kujionyesha.

<sup>226</sup> Naam, sisemi unapaswa kuvaan kama kitu cho chote kile kutoka kwenye sanduku la vitu vya kale. Lakini, unaweza kuonekana zaidi kama mama wa heshima.

<sup>227</sup> Nawe unatoka hapa na kutoa nguo, maskini kaptula zako fupi, na kujifunga ugwe mdogo namna hiyo; na mtoto wako mchanga mwenye macho kama kisahani cha sigara, huku ukiwa na sigara mdomoni, ukishuka kwenda mtaani. Hufanyi jambo hilo kwa kusudi lo lote zuri. Huenda ukawa mwaminifu kwa jambo hilo, lakini ibilisi anakutumia kama chombo kama tu alivyomtumia Hawa.

<sup>228</sup> Kwa nini hili ni taifa la mwanamke? Kwa maana linaelekea moja kwa moja hata kwenye kutawaliwa na Ukatoliki. Ni kitu gani leo? Huwasikii wao wakimtaja Yesu. “Salamu Maria! Maria, mama wa Mungu! Mtakatifu Cecilia!” Kila namna ya watakatifu, watakatifu waliokufa. Hapa si muda mrefu uliopita, kule chini . . .

<sup>229</sup> Nilikuwa huko Mexico, mwaka uliopita. Huyu hapa anakuja mwanamke maskini, anajikokota. Magoti yake, yote yanajikokota namna hiyo, na ngozi; analia, huku ameshika mikono yake. Naye baba ameandamana naye, huku amewabeba watoto wawili wadogo, hao wanalia; mama anaugua sana; kwa sababu mwanamke fulani, ambaye wanamwita mtakatifu, alikuifa. Walikuwa wameweka sanamu yake juu kule kilimani. Mchumba wake alimwua. Na mara tu alipouawa namna hiyo, bila shaka, ye ye ni mtakatifu; alikuwa Mkatoliki. Kwa hiyo basi alikuwa anaenda, kufanya vitubio; naye ililmazimu kujikokota maili mbili, juu ya kokoto, kufanya toba.

<sup>230</sup> Ndugu, kama kuna jambo moja linalonibidi kufanya, Yesu Kristo alikuifa bure. Neema, nimeokolewa; na si kwa—kwa nafsi yangu, bali kwa mapenzi ya Mungu, na kwa wema wa Mungu.

<sup>231</sup> Hao waandishi wa habari waliniuliza, kasema, “Bw. Branham . . .” Yu—yule mtoto mchanga aliyekufa alikuwa amefufuliwa, na mambo machache kule. Wakatoliki elfu thelathini . . . La, samahani. Ilikuwa elfu ishirini. Elfu thelathini ilikuwa ni Afrika. Wakatoliki elfu ishirini walimpokea Kristo kama Mwokozi wao binafsi, kwa wakati mmoja, wakati jambo hilo lilipotendeka, wakisimama huko kwenye Jiji la Mexico. Basi hao makasisi, wasingeweza kusema jambo lo lote; wengi mno, wangesababisha ghasia. Kulikuwa na wengi sana waliongwa mkono. Kwa hiyo akasema, “Bw. Branham, unaamini watakatifu wetu wanaweza kufanya jambo lilo hilo unalofanya wewe?”

<sup>232</sup> Nikijua fundisho lao, nikasema, “Bila shaka, kama wanaishi.” Mnaona? Kwa hiyo, huwezi kuwa mtakatifu wa Kikatoliki mpaka uwe umekufa, wajua.

Kwa hiyo akasema, “Loo, huwezi kuwa mtakatifu mpaka ufe.”

<sup>233</sup> Nikasema, “Unasoma jambo hilo wapi? Paulo alisema, ‘Kwa watakatifu walioko Efeso,’ na hao walioitwa na Mungu. ‘Kwa watakatifu walioko Efeso,’ alikuwa anasoma waraka wake; na hao watakatifu wako mahali pengine, huko Galatia, na—na ‘watakatifu walioko Rumi,’ na kadhalika. *Watakatifu, ‘waliotakaswa.’* Na hilo je?”

<sup>234</sup> Yeye akasema, “Bila shaka, sasa, hatupaswi kubishana kwa Biblia. Kwa maana, sisi ni kanisa, na yale kanisa lisemayo. Hatujali inayosema Biblia. Ni yale kanisa liliyosema.” Kasema, “Basi maoni yako ni nini juu ya Kanisa Katoliki?”

<sup>235</sup> Nikasema, “Laiti usingaliniuliza jambo hilo. Kwa kuwa uliniuliza mimi, sasa nitakwambia Kweli.”

Kasema, “Vema, ninataka uniambie Kweli.”

Nikasema, “Ibada ya mizimu ya hali ya juu sana nijuayo.”

Akasema, “Umepataje jambo hilo?”

<sup>236</sup> Nikasema, “Cho chote kinachowasiliana kwa maombi na wafu ni kiabudu mizimu.” Nikasema, “Kama huyo mtakatifu akijibu, basi yeye yuko kuzimu. Kwa maana, hao waliovuka ile njia, Biblia ya—yangu ilisema ya kwamba asingeweza kurudi.” Hiyo ni kweli. Nami nikasema, “Kama ndivyo ilivyo, kama yeye alikuwa ni mtakatifu; ni ibilisi akizungumza kama huyo mtakatifu, wala si huyo mtakatifu, hata hivyo.”

<sup>237</sup> Basi akasema, “Vema, sasa, hebu kidogo.” Kasema, “Unawaombea wafu, pia.”

Nikasema, “Wapi?”

Akasema, “Yesu Kristo alikuifa.”

<sup>238</sup> Nikasema, “Lakini alifufuka tena. Yeye si mfu. Yu hai, kutuombea, na ndiye mpatanishi pekee kati ya Mungu na mwanadamu.”

<sup>239</sup> “Mimi Ndimi niliyekuwa nimekufa, na ni hai tena, na ni hai milele na milele. Ninazo funguo za mauti na za kuzimu.” “Yeye atakaye, na aje anywe bure maji ya Uzima.” Loo! Huyo ndiye Mungu wetu. Huyo ndiye Mungu wetu.

<sup>240</sup> Na uzao wa wenyе haki uko karibu kwisha. Nena na watu juu ya mambo haya. Nena na watu kuhusu kurudi kwenye njia ya Biblia. Nena na watu kuhusu miujiza. Nena na watu kuhusu jambo hilo. “Kanisa lao haliamini jambo Hilo,” kwa hiyo wao ni watoto haramu, kwa Mungu. Biblia ilisema kama hatuwezi kuvumilia mateso, na majoribu, dhihaka, na kuitwa “watakatifu wanaojifingirisha” na kadhalika, namna hiyo; kama hamwezi

kuvumilia jambo hilo, nyinyi ni watoto haramu, wala si watoto wa Mungu. Biblia ilisema hivyo.

<sup>241</sup> Niite “mtakatifu anayejifingirisha,” kama ukitaka. Niite cho chote unachotaka. Mradi tu moyo wangu uko sawa na Mungu, na ujasiri wangu unalingana na Biblia ya Mungu, ninaendelea moja kwa moja upande uu huu. Naam, bwana. Hilo ndilo tunaloamini. Hilo ndilo Kanisa la Mungu aliye hai, ambalo haliji kwa theolojia. Haliji kwa mawazo ya kiakili ya kujibunia. Linakuja kwa Kweli yakini iliyofunuliwa ya kwamba Yesu Kristo ni Mwana wa Mungu.

<sup>242</sup> Kama nilikuwa tu na wazo la kiakili, kwa maana kanisa la Kibatisti ama kanisa la Kimethodisti lilinifundisha mambo haya *kadha na kadha*; ninapoiskia Biblia hii, iwapo Biblia... Kama nilikuwa nimebatizwa katika Jina la “Baba, Mwana, na Roho Mtakatifu,” na kuisoma Biblia hii, na mhubiri fulani akaniambia ya kwamba hakuna mtu katika Biblia aliyepata kubatizwa katika ila Jina la Yesu Kristo, nami nikaisoma na kuona ya kwamba ilikuwa ni Kweli, ningeingia majini upesi niwezavyo. Naam, bwana.

<sup>243</sup> Kama mtu fulani aliniambia ya kwamba—ya kwamba Yesu Kristo alikuwa mponya mkuu; na kanisa langu liliniambia, “Siku za miujiza zimepita,” nami nilikuwa na haja ya kuponywa; ningekimbia upesi nilivyoweza, madhabahuni, nipaye kuponywa. Bila shaka ningefanya hivyo.

<sup>244</sup> Kama nilikuwa mhubiri, na nilikuwa na mhubiri mwa—mwanamke mimbarani mwangu, ndipo nisome katika Biblia ile na kuona ya kwamba mwanamke hakupaswa kuhubiri, ningemwondo hapo, hata kama jambo hilo linichune ngozi.

<sup>245</sup> Basi kumbukeni, akiketi moja kwa moja kule nyuma aliko Dada Wright, usiku mmoja, ya kwamba mwanamke fulani alikuwa anataka kunitupa nje ya mlango kwa kufanya jambo kama hilo. Naam, bwana. Nikasema, “Hutaingia kanisani mwangu ukiwa na ninii yako ya kale...” Wakati walipokuwa wanavaa, ama kukata nguo zao huko chini kabisa namna hii, na kitu hicho cha kuchekesha, na karibu nusu ya mwili wao ni uchi. Nikasema, “Wakati wo wote wakija kanisani mwangu, hakika nitawatoa nje.” Na maskini kipusa wa kale chini huku, alikuwa si muda mrefu baada ya hapo; naye akaniita, akifa. Alikuwa msichana wa Kikatoliki, akaenda pale akiketi chini na kitu hicho namna hiyo. Niliangalia nyuma nikamchunguza, ameketi hapa juu, nao walikuwa wanaimba. Nikavua koti langu, nikaenda kule nyuma, nikaliweka mabegani mwake. Nikasema, “Mama, kama utanisikiliza nikihubiri, tafadhali vaa koti hili wakati uko katika kanisa la Mungu.” Mnaona? Hakika.

<sup>246</sup> Akatoka hapo kwa vishindo, na kubenua maskini midomo hiyo juu. Akatoka jengoni. Akasema, “Iwapo ana dini, nisingemruhusu ng’ombe wangu apate dini ya namna hiyo.”

Nikasema, "Usijali, hataipata."

<sup>247</sup> Kisha tulikuwa na lile hema, wakaniita alipokuwa anakufa. Alikuwa na ugonjwa wa mshtuko wa moyo, naye alikuwa anakufa. Mumewe akaja. Akasema, "Njoo upesi!" Nami nilikuwa katikati ya mkutano. Mvulana mkubwa, mrefu, akisimama mlangoni, akiningojea. Nami nikakimbia kadiri...

<sup>248</sup> Niliingia kwenye gari langu nikakimbia kule. Nilipokuwa nkipanda, nikakutana na nesi yule mzee kule, ambaye anaishi Howard Park, hata sasa. Akasema, "Kasisi, hakuna haja ya kuja." Hilo limekuwa yapata miaka ishirini iliyopita, labda mingi kidogo. Kasema, "Amefariki." Kasema, "Amekufa yapata dakika tatu." Kasema, "Alipiga makelele kwa nguvu alivyoweza, akikuita." Kasema, "Nina ujumbe wako."

Nikasema, "Wa nini?"

<sup>249</sup> Kasema, "Mwambie mhubiri yule, niliyenena habari zake, 'Tafadhalii nisamehe.'"

<sup>250</sup> Nikashuka huko kumwangalia. Mwanamke mwenye sura nzuri; naye alikuwa ameugua sana. Alikuwa na madoa madogo puanı mwake; mwanamke anayependeza. Nayyo hayo madoa, yalioneckana kama kwamba, yalitokeza. Na macho yake yalikuwa yametokeza nje kabisa kwenye matundu yake, nayo yalikuwa yamerudi nyuma nusu. Bila shaka, matumbo yake na figo zilikuwa zimesogea, na mvuke unatoka kila mahali kitandani, namna hiyo.

<sup>251</sup> Ndipo mumuwe akaniangalia, kasema, "Ndugu Branham, sema sala, maana alitaka kukuona wewe."

Nikasema, "Ombi kwa ajili yake sasa halitafaa kitu."

<sup>252</sup> "Mti unavyoegemea, hivyo ndivyo jinsi unavyoanguka." Mnaona? "Msidanganyike; Mungu hadhihakiwi. Cho chote apandacho mtu, ndicho atakachovuna."

<sup>253</sup> Mnaona mahali lilipo? Sasa jambo gani limetukia? Angalia mwanamke ambaye angefanya jambo hilo. Waangalie wanawake walioishi kule nyuma, mwimbaji dansini, bintiye alikuwa ni nani? Kahaba. Binti wa kahaba ni nini? Tineja wa rumba. Bintiye atakuwa nini? A-ha! Ni kitu gani?

Mnaona uzao wa mwenye haki?

<sup>254</sup> Jiangalieni enyi Wabatisti. Rudini nyuma muda kidogo uliopita. Rudini nyuma kwa John Smith, mwanzilishi wenu, enyi Wabatisti. Wakati, ye ye aliwoomba kwa ajili ya uovu wa watu, mpaka, ye ye aliwalilia na kuwaombea watu mpaka macho yake yakafunga kwa kuvimba, na ilimbidi mke wake kumlisha mezani, kiamshakinywa chake.

<sup>255</sup> Pia ninyi Wamethodisti mlion hapa karibu, huku mmevalia lulu puanı mwenu na maskioni mwenu, na mnaonekana kama tandiko la ibilisi la kukalia; na mnatoka nje, mmevaa kaptula,

na takataka kama hizo! Wakati, mzee John Smith, mmoja wa wazee wa kanisa la Kimethodisti, kabla hajafa mwenye umri wa miaka themanini na mitano, alihubiri somo fupi la miaka minne... masaa manne. Iliwabidi kumchukua na kumpeleka mimbarani. Basi haya ndiyo maneno yake ya mwisho. Alisema, "Nimeshtushwa sana na tendo la kanisa la Kimethodisti." Kasema, "Hata binti za kanisa la Kimethodisti wanavaa pete za dhahabu vidoleni mwao." Angesema nini sasa, wakivaa kaptula, na kuimba kwenye kwaya?

<sup>256</sup> Mlikimbia vizuri. Nini kilitukia? Mnatenda kama mama yenu. Hiyo ni kweli kabisa.

<sup>257</sup> Hiyo ndiyo sababu hatutaki yo yote ya madhehebu haya yakining'inia karibu na haya, ama kushikizwa hapa, "Sisi ni Wamethodisti. Sisi ni Wabatisti." Sisi ni wa Kristo tu. Liacheni namna hiyo, na iweni huru.

<sup>258</sup> Sasa, mnaona mzao wa nyoka? Mwanamke kama huyo angelipa nini hivi sasa? Jambo hilo lingefanya nini? Ati nini? Waliendelea tu, wakija moja kwa moja. Waliwasukuma Wabatisti nyuma, wakawasukuma Wamethodisti nyuma, wakawasukuma Wapresbiteri nyuma. Wangefanya nini? Wote walirudi moja kwa moja nyuma, kama mama yao, yule kahaba wa zามani. Wote wako pale, wakifanya ukahaba ule ule. "Vema, haileti tofauti yo yote. Wamekwisha zamishwa majini. Wamekwisha nyunyiziwa maji. Wao, wao wamekuja, wakaungama. Wamechukua miezi yao sita ya kufunga; hawakunywa sana mnamo wakati huo, na kadhalika. Walikuwa wafuasi wazuri. Wao wanalipa vizuri kwenye..." Loo, jamani! Hilo halina uhusiano wo wote na matunda ya Roho.

<sup>259</sup> Matunda ya Roho ni "imani," kumwamini Yesu Kristo ye ye yule jana, leo, na hata milele; "upendano" wa ndugu; "furaha, amani, uvumilifu, wema, utu wema, saburi, upole, kiasi." Hayo ndiyo yale mambo, matunda ya Roho.

<sup>260</sup> Nasi tunamchukua mtu, "Vema, yeye—ye ye anaishi maisha mazuri katika ujirani." Esau alifanya vivyo hivyo.

<sup>261</sup> Esau hakumdhuru mtu ye yote, na Esau alikuwa wa ibilisi; lakini Yakobo, kutoka kwenye tumbo lile lile, alikuwa wa Mungu. Uzao wa ibilisi; Uzao wa mwanamke, ndiko Uzao wa Mungu ulikopitia.

<sup>262</sup> Sasa, mnaona, yote yamefikia kwenye jambo hili, limebakia nini ulimwenguni leo? Nitasema jambo hili kwa ukali hasa, kulisisisitiza hili, ndipo tutaanza ufufuo baada ya jambo hili, katika mkutano ufuataao. Imefikia kwenye umbo fulani. Basi, tafadhalini, sisemi jambo hili kwa kukufuru. Silisemi kusudi niwe mkorofii. Imefikia mahali fulani, kwenye kundi kubwa la watoto haramu na wa dini. Hayo ndiyo matamshi yangu ya mwisho. Hapo ndipo imefikia kabisa sasa. Mnajua kwamba jambo hilo ni kweli. Imefikia mahali mpaka ni kujiunga na

kanisa na kuwa wafuasi wa kanisa, “Wenye mfano wa utauwa, wakikana Nguvu zake,” hata imefikia kwenye kundi la watoto haramu wa dini. Hivyo ndivyo ilivyo hasa.

<sup>263</sup> Ni kitu gani kilichosalia? Kuna kombora linaloning’inia kule ng’ambo, mengi, mabomu hatari na kila kitu. Yanangojea tu zile nguvu zifike. Ndipo kutakuweko na maangamizi ya moto, kama kulivyokuwa na ya maji.

<sup>264</sup> Basi, marafiki, lo lote mfanyalo, kama wewe ni Mkristo na una Mungu moyoni mwako, nawe unajua ya kwamba umepita kutoka mautini kuingia Uzimani, unapaswa kuwa mtu aliye na furaha sana duniani kote. Wakati Roho Mtakatifu ndani yako...

<sup>265</sup> Wakati, Biblia inasema, “Yesu Kristo yeye yule jana, leo, na hata milele.”

<sup>266</sup> Madhehebu yanasema, “Lakini tunaamini miujiza imepita.”

<sup>267</sup> Roho Mtakatifu anasema, “Amina. Yesu Kristo ni yeye yule jana, leo, na hata milele. Na iwe hivyo.”

<sup>268</sup> Kama Biblia ilisema, “Tubuni, mkabatizwe kila mmoja wenu katika Jina Lake Yesu Kristo mpate ondoleo la dhambi zenu, mtampokea Roho Mtakatifu. Kwa kuwa ahadi hii ni kwa ajili yenu, na kwa watoto wenu, kwa Mataifa, wote walio mbali, wote watakaoitwa na Bwana Mungu wetu—wote watakaoitwa na Bwana Mungu wetu wamjie.” Mnaona? (Si, “wote watakaoitwa na Wamethodisti, watakaoitwa na Wabatisti.”) Bali, “Wote watakaoitwa na Bwana Mungu wetu wamjie, watampokea huyu Roho Mtakatifu, na kubatizwa katika Jina la Yesu Kristo.” Ni vile ilivyo sema Biblia.

Wakati hilo linapokugusa, unasema, “Amina.”

Kanisa lilisema, “Loo, haileti tofauti yo yote.”

<sup>269</sup> Bali huyu Roho Mtakatifu aliye ndani yako, anasema, “amina” kwa Neno Lake. “Mtu hataishi kwa mkate tu, bali Neno litokalo katika kinywa cha Mungu.” Hivyo ndivyo ilivyo.

<sup>270</sup> Nataka mnionyeshe Andiko moja ambapo lilisema tofaa lilianzisha jambo hili sasa. Ninawatakeni mnionyeshe ya kwamba wao walikula matofaa. Nimewaonyesha ambapo Kaimi alifikiria jambo lile lile, na ambapo uzao wake ungali unawazia jambo lile lile.

<sup>271</sup> Bali ufunuo wa kiroho wa Mungu unathibitisha, kwa Biblia, ya kwamba ilikuwa ni kujuana kimwili kati ya mwanamume na mwanamke, bila ruhusa. Hapo ndipo wanefili wenu walipotokea. Hapo ndipo dhambi yenu ilipotokea. Hapo ndipo upotovu wenu ulipotokea. Hapo ndipo iliposhukia.

<sup>272</sup> Sasa angalia katika yote haya—haya, angalia, nyo—nyoka alikuwa mwerevu mara mbili. Uzao wake daima umekuwa mwerevu mara mbili. Nami ningetaka kupanda kwenye

mimbara hii na kushika maikrofoni hii mkononi mwangu, [Ndugu Branhamana anasogeza maikrofoni—Mh.], na kubandika miguu yangu juu ya mimbara, na kusema jambo hili. Pia, siku hizi, wako wapi majitu wenu wenyewe bongo? Mchungaji wenu ambaye ameshuka akaenda akapata maarifa mengi sana ya kiakili, naye anasimama; ye ye ni mchungaji wa makanisa yaliyo makuu sana nchini, na kadhalika namna hiyo. Uzao wa nyoka unasi mama wapi? Kwenye sehemu zenye akili na werevu namna hiyo; wanachuoni werevu, wajanja. Hapo ndipo alipo. Hapo ndipo anapokaa.

<sup>273</sup> “Si kwa nguvu, wala kwa uweza, bali kwa Roho Wangu, asema Bwana.” Mnaona? Hapo ndipo ambapo wewe . . .

<sup>274</sup> Kisha unamchukua maskini ndugu mdogo anayesimama pale pemberi, akilia sana, na labda akisimama kule chini akipiga gita ya kale, akisema, “Ndugu, njoo, ukamtafute Bwana!” [Ndugu Branham anagonga juu ya mimbara mara moja—Mh.]

<sup>275</sup> Mchungaji anapita, aseme, “A-ha! Nisingeruhusu kusanyiko langu . . . Mbona, nisingejihuisha, nisingeruhusu ninii wangu . . . nisingetaka Liddy na Johnny na hao wengine wanione karibu na mahali kama hapo.” Endelea, ewe uzao wa ibilisi, unaelekea kwenye kikomo chako cha Milele, kwa vyo vyote. Hiyo ni kweli. Ningeweza kusema neno lingine pale, na kusema, “watoto haramu,” na hapo ndipo ambapo imekaribia kufika. Kwa kuwa, mnaona, ninyi . . .

<sup>276</sup> “Hakuna mtu awezaye kuja kwangu asipovutwa na Baba Yangu. Na wote wanijiao Mimi, nitawafufua katika siku ya mwisho. Hakuna kitakachopotea. Ninacho. Nitakiweka. Hakuna mtu anayeweza kufanya jambo hilo, isipokuwa Huyu.”

<sup>277</sup> Yote yako Kwake. Huwezi kusema, “Nimefanya jambo moja.” Ni neema ya Mungu ambayo imelifanya jambo hilo lote. Kwa hiyo, hakuna nilichofanya. Sikuwa na jambo la kufanya; wewe hukufanya, pia. Hukustahili hata jambo moja. Mungu alifanya kila kipengele chake. Kamwe hujageuza kidole chako kwa sehemu moja yake. Wewe hukusema, “Vema, nilitoka kwenye jamaa nzuri. Nilifanya jambo hili.” Hilo halina uhusiano wo wote na jambo hilo. Mungu ndiye aliyefanya jambo hilo; rehema ya Mungu.

<sup>278</sup> Ninasikitika sasa, saa tano haijafika kabisa bado, bali nitamaliza, kwa vyo vyote. Mnaona?

<sup>279</sup> Ni wangapi wanafahamu ya kwamba Biblia inanena juu ya mambo haya kwamba ni Kweli; ninyi watu wa Maskani ya Branham, hasa? [Kusanyiko lilisema, “Amina.”—Mh.] Sasa, hiyo ni kama tu moja chini ya kumi na sita ya mambo tunayofundisha na kuamini. Lakini, kumbukeni, kwenu mlionhudhuria, huenda nikasema jambo hili, enyi watu msiokuja hapa kama washiriki.

Jinsi tunavyoamini jambo hili, ya kwamba *Hii* ni Biblia, na Biblia ni Kweli ya Mungu.

<sup>280</sup> Nasi tunaamini, ya kwamba, katika Agano la Kale, sasa, walikuwa na njia ya kujua lililokuwa kweli na lisilokuwa kweli.

<sup>281</sup> Naam, sote tunajua ya kwamba walikuwa na torati iliyoandikwa. Ni wangapi wanaojua jambo hilo? Torati, zile—zile amri zilikuwa kwenye lile sanduku, na kadhalika; sawa, na torati juu ya zile amri. Kasema, “Usizini. Kila mtu anayezini anapigwa mawe.” Mnaona? Hiyo ilikuwa ile—ile amri, na torati juu ya amri. Sasa, lile sanduku lilikuwa limekaa namna *hii*; zile amri zilikuwa mle ndani, na zile torati za zile amri zilikuwa kwenye mifuko iliyokuwa upande mmoja wa lile sanduku. Kama mtu alishuka hapa, akafanya uzinzi; waliangalia chini hapa kuona vile sheria ilivyosema, “mpigeni mawe.” Walimtoa nje moja kwa moja wakampiga mawe. Hivyo ndivyo sheria ilivyokuwa juu ya ile amri.

<sup>282</sup> Sasa walikuwa na njia mbili zaidi za kujua. Daima kuna tatu, kama thibitisho. Walikuwa na njia nyingine ya kujua, na hiyo ilikuwa ama kwa nabii ama kwa mwotaji. Ni wangapi wanaojua jambo hilo? “Kama kuna mmoja kati yenu ambaye ni wa rohoni, ama nabii, Mimi Bwana nitajijulisha kwake katika ndoto, na kunena naye katika maono.” Hiyo ni kweli. Naam, ye ye alikuwa mtabiri.

<sup>283</sup> Basi, kama mtu alikaribia, akasema, “Loo, haleluya, nimelipata! Ninatabiri sasa katika Jina la Bwana. Nina ufunuo.” Hawakuruhusu jambo hilo liendelee namna hiyo, kama ninyi watu mnavyofanya. Walichunguza jambo hilo kwa Mungu, kwanza.

<sup>284</sup> Sasa, kwenye kile kifuko cha kifuani cha Haruni walikuwa na kile walichokiita Urimu na Thumimu. Ni wangapi wamekwisha kusikia neno hilo? Ilikuwa ni nini? Yalikuwa mawe kumi na mawili, sita kwa kila upande, ya wale wazee wetu kumi na wawili; yaspi, Yuda, na kadhalika, na kuendelea moja kwa moja, yale mawe kumi na mawili. Kisha wakamchukua nabii huyu, ama mwotaji, ndipo wakakitundika pale juu kifuko hiki cha kifuani, nao wakamsimamisha pale. Basi wakasema, “Sasa tabiri na ueleze unabii wako.”

“Bwana alineni nami na kusema mambo fulani.”

<sup>285</sup> Haidhuru ulionekana dhahiri namna gani, huenda ukasikika kana kwamba ni kweli kabisa; bali kama nuru hizo hazikuungana na kufanya rangi ya upinde wa mvua ukakingama pale, ile Urimu na Thumimu, nuru hizo zikichangamana pamoja, ya kimbunguni yakitenda kazi, kuthibitisha. Mnaona, Mungu daima amethibitisha Neno Lake. Mnaona? Basi iwapo nuru hizo za kimbunguni hazikumulika pale, basi sijali ulionekana halisi jinsi gani, ulikuwa ni kosa.

<sup>286</sup> Kama mwotaji alisema, “Niliota ndoto, na ndoto hii ilisema, ya kwamba, ‘Israeli wanapaswa kuondoka waende mahali fulani, maana Waashuri watakuja upande *huu* na kuuzingira.’” Walimchukua huyo mwotaji kule chini; akasimulia ndoto yake. Kama nuru hizo hazikumulika kule, alikuwa amekosea, haidhuru vipi... Kama Waashuri walikuwa tayari wameketi kule vitani, alikuwa amekosea. La, bwana. Wao, kabisa, ilipaswa kuthibitishwa kwa Urimu na Thumimu.

<sup>287</sup> Sasa kila mtu anajua ule ukuhani wa kale ulikuwa umeondoka, umeondolewa, na Urimu na Thumimu ikaondoka pamoja nao. Tunajua jambo hilo, sivyo? [Kusanyiko linasema, “Amina.”—Mh.]

<sup>288</sup> Nao ule ukuhani mpya ulikuwa umeingia. Basi, Vipi? Hivi tuna Urimu na Thumimu siku hizi? Naam, bwana. Neno la Mungu! Naam, bwana. Ndilo *Hili*. [Ndugu Branham anaonyesha Biblia yake—Mh.] Kama mtu ye yote ana ufunuo wa namna yo yote, ama anazungumza jambo lo lote, ama fundisho lo lote ambalo haliambatani na ku...na kukubaliana na Biblia hii, kote kote katika Maandiko yote, amekosea. Sijali ni wa madhehebu gani, ni mzuri vipi, ni mwerevu vipi, ameelimika vipi; amekosea.

<sup>289</sup> Na wakati mtu ye yote anakwambia mambo haya, ambayo tumefundisha hapa kanisani sasa, na anakwambia, ya kwamba, “Kama umenyunyiziwa, ni sawa,” yeye amekwambia uongo. Hilo halitamulika kwenye Urimu na Thumimu. Wakati anapokwambia, ya kwamba, “Kumwagiliwa ni sawa,” amekwambia uongo. Akikwambia, “Kubatizwa katika jina la ‘Baba, Mwana, Roho Mtakatifu,’ ni sawa,” amekwambia uongo. Kama akikwambia, “Siku za miujiza zimepita,” amekwambia uongo. Kama akikwambia, “Ni sawa kwa wanawake kuhubiri,” amekwambia uongo. Kama akikwambia, “Ni sawa kwako kuendelea na kushikamana na madhehebu yako,” amekwambia uongo. Halitamulika kwenye Urimu na Thumimu. Na mambo dazani yanayotoka, ndani ya huyo “MAMA KAHABA” wa kale, na kushuka kule, na hiyo ndiyo sababu tunakaa mbali na madhehebu.

<sup>290</sup> Tunawapenda ndugu zetu na dada zetu huko nje kwenye madhehebu hayo. Bali huendi, na kusema, “Mimi ni Mmethodisti,” na kukufanya Mkristo, kwangu mimi. Wewe ni Mkristo kwa sababu umezaliwa na Roho wa Mungu. Haikubidi kuwa Mmethodisti wala Mbatisti. Si lazima uwe wa hili wala lile. Unapaswa tu kuzaliwa kwa Roho wa Mungu. Mnaamini jambo hilo? [Kusanyiko linasema, “Amina.”—Mh.]

<sup>291</sup> Kwa misingi hii, kama mtu ye yote yuko hapa na anataka kushirikiana na kuingia katika ushirika wa ibada hii, naye anataka kuwa—anataka kuzamishwa, kubatizwa katika Jina la Yesu Kristo, hiki hapa kidimbwi. Wao watabatiza, hivi punde.

<sup>292</sup> Kama kuna mtu ye yote, wengi hapa, mtu ye yote anayetaka kuja, katika njia nyingine yo yote? Tuko hapa. Hiyo ni kweli.

<sup>293</sup> Naam, ha—hatuna uanachama wo wote; unakuja tu hapa kwenye kanisa hili. Tunaamini ya kwamba Kristo yuko kwenye kanisa la Kimethodisti, kanisa la Kibatisti, kanisa la Kipresbiteri. Yeye ana washiriki katika kila moja la hayo. Na kitu kinachokosekana, leo; ni unabii wa uongo ukitoa mambo hayo nje, mafundisho ya makanisa hayo, ambayo yanapingana kabisa na Biblia.

<sup>294</sup> Naam, kama mtu ye yote angelifanya jambo Hilo dhahiri hivyo kwangu, hakika ningejifanya mimi mwenyewe... Ninaamini kuna Roho wa Mungu wa kutosha ndani yangu, kuichunguza Biblia hiyo na kuja na kulisahihisha jambo hilo. Kama niliondoka tu nikaenda nikampa mhubiri mkono, na kuandika jina langu kwenye kitabu, na bado nimekuwa na chuki na kijicho moyoni mwangu, na ningali nilikuwa na wivu na ugomvi, na ningali simwamini Yesu Kristo kuwa mponya mkuu, na kadhalika namna hiyo, ningeondoka niende kunyosha mambo na Mungu, upesi sana. Hakika ninaamini ningefanya jambo hilo. Ni—ningekuwa mwaminifu namna hiyo kwa jambo hilo. Ningeondoka kunyosha mambo na Mungu. Kama nilijishikiza tu kwa sababu nilikuwa Mbatisti ama Mmethodisti, ningeshuka niende nikapate Ukristo moyoni mwangu. Ningefanya jambo hilo. Naam, bwana.

<sup>295</sup> Sasa kumbukeni ufufuo unaokuja, ambao utaanza, Bwana akipenda, usiku wa Jumatano hii ijayo. Ni juu ya misingi hii.

<sup>296</sup> Sikilizeni, enyi marafiki, kuna Mungu wa kweli na aliye hai. Hiyo ni kweli. Yesu Kristo ni Mwana wa Mungu. Roho Mtakatifu yumo kanisani leo.

<sup>297</sup> Sasa, kama niliambiwa tu na mtu jambo hilo, ningekuwa na haki ya kulitilia shaka. Bali, sikilizeni. Siku moja huko ng'ambo, kama mvulana mdogo, nilikuwa mimesimama chini ya mti, nami nikamwona Yeye. Nikamsikia. Akaniambia, akasema, "Jiepushe na hao wanawake wabaya. Jiepushe na sigara. Jiepushe na kulaani, kunywa pombe, na mambo haya yote. Nina kazi utakayofanya utakapokuwa mtu mzima." Ninajua Yeye ni Mungu halisi, anayechukuana na Neno Lake.

<sup>298</sup> Nilipokuwa mkubwa kidogo, jinsi alivyokutana nami, jinsi alivyosema nami! Jinsi nimemwona huko ng'ambo, kama kijiti kinachowaka moto, na Moto huo ukisogea kule ng'ambo! Jinsi nimemwona akinena na kusema yale hasa yangetukia; na, kila wakati, yanatukia kikamilifu yawezavyo kuwa, kikamilifu namna hiyo.

<sup>299</sup> Yeye yule yule anayesema mambo hayo makamilifu namna hiyo, ni Yeye Yule Ambaye hunivuvia kufundisha Biblia hii jinsi tu ninavyoifundisha. Hiyo ni kweli. Kwa hiyo, Hilo linatoka kwa

Mungu. Kwangu mimi, ni Mungu Mwenyezi, Naye ni yeye yule jana, leo, na hata milele.

<sup>300</sup> Yesu alisema, "Nilitoka kwa Baba, nami ninaenda kwa Baba." Alipokuja . . .

<sup>301</sup> Wakati Yeye alipokuwa Mungu nyikani, Yeye alikuwa Nuru imulikayo. Basi ni wangapi wanaojua jambo hilo? [Kusanyiko linasema, "Amina."—Mh.] Yeye alikuwa Nuru inayoangaza, Nguzo ya Moto.

<sup>302</sup> Naye alikuja hapa duniani, akasema, "Nilitoka kwa Baba, Nami naenda . . . Nilitoka kwa Mungu, ninarudi kwa Mungu."

<sup>303</sup> Alipokufa, akazikwa, akafufuka tena, na Paulo akienda zake Dameski akakutana Naye tena, alikuwa nini? [Mtu fulani anasema, "Nguzo ya Moto."—Mh.] Angali Nguzo ya Moto. Naam, bwana.

<sup>304</sup> Alifanyaje alipokuwa hapa duniani? Alifanya nini alipokutana na Paulo? Alimtuma namna gani? Alimtuma kwa nabii aliyemwambia jinsi ya kubatizwa, akamwambia la kufanya; akaweka mikono yake juu yake akamponya, akamwambia alikuwa ameona ono.

<sup>305</sup> Yesu yule yule yuko hapa leo, akifanya mambo yale yale, na bado ni Nguzo ile ile ya Moto, akifundisha jambo lile lile, na kulithibitisha kwa Neno Lake, na kwa ishara na maajabu. Ninafurahi sana kuwa Mkristo, sijui la kufanya. Nina furaha kwamba wewe ni Mkristo.

<sup>306</sup> Nanyi, maskani hapa, niliwaambia tutabadilisha jina la hii. Si sawa kwake kuwa Maskani ya Branham. Huyo ni mtu tu, mnaona. Tutabadilisha jina lake, tuyafanye jina lingine. Tutaingilia jambo hilo, baada ya kitambo kidogo. Ninaitaka tu iwe ka—kanisa la Mungu aliye hai. Siiptaki iwe Methodisti, Batisti, Presbiteri, Pentekoste. Mimi . . .

<sup>307</sup> Watu hao wote, ninawapenda kwa moyo wangu wote. Sijui nani ni nani. Siwezi kuwaambia. Inanibidi tu kulihubiri Neno. Ninatupa jarife na kulivuta. Kuna vyura, na kuna buibui wa majini, na kuna nyoka, na kuna samaki wachache, pia. Hiyo ni juu ya Mungu kuamua jambo hilo. Mimi ninavuta jarife tu, nahubiri tu Neno na kulivuta, na kusema, "Hawa hapa, Bwana, kila mahali madhabahuni. Unawajua walio Wako; umewajua tangu kuwekwa misingi. Sijui nani ni nani. Wewe unajua, kwa hiyo ni juu Yako, Bwana. Hivyo ndio vizuri kabisa niwezavyo kufanya. Nitaenda huku na kutupa wavu mkubwa mahali pengine sasa, na kuliingiza kundi lingine. Hivyo tu ndivyo ninavyoyeweza kufanya." Vema.

Loo, najisikia kama kuendelea na safari,  
Najisikia kama kuendelea na safari;  
Nyumba yangu ya Mbinguni ni safi na ni nzuri,  
Najisikia kama kuendelea na safari.

<sup>308</sup> Sasa kumbukeni, mtu ye yote anayetaka kuonana nami, mpigie tu simu Bw. Mercier hapa, ama BUTler 2-1519. Tutafurahiwa kukuona. Kama wapenzi wako wakija, ikubidi kuondoka haraka mnamo wakati wa ufufuo... Sasa ninaondoka, tangu usiku wa leo, kwenda nikawe peke yangu, na niondoke kwa siku mbili sasa, niwe peke yangu.

<sup>309</sup> Ninaangia tu mle ninaanza kusoma, namna hii, "Bwana, uko karibu nami. Ninajua Wewe uko hapa. Na Neno Lako lisema ungewakaribia wale wanaokukaribia Wewe." Ninaendelea kuomba na kuangalia hata nione Nguzo hiyo ya Moto ikianza kusogea. Ninajua iko tayari basi. Kisha ninaenda jukwaani kwa ajili ya ibada ya kuponya, kuomba, na kufanya yale ninayoweza kufanya kuwasaidia wagonjwa na wanaoteseka.

<sup>310</sup> Tunauthamini wema wenu wote sasa. Nanyi mjapo, njoni mkiamini, nasi tunakusudia kuwa na mukutano mzuri sana. Ninataka kusema ya kwamba...

<sup>311</sup> Ndugu Jefferies, ye ye yuko hapa usiku huu? Tunataka kumthamini Ndugu Jefferies na kazi yake. Ninadhani amerudi visiwani, na kadhalika.

<sup>312</sup> Ninafurahi kuwaona Ndugu na Dada Wright, na wengi wenu watu hapa.

<sup>313</sup> Nami nimemwona wakili Robertson hapa, muda kidogo uliopita, aliingia muda kidogo uliopita. Nilitaka kumpongeza kwa ajili ya ujumbe wa-wake aliohubiri juzijuzi. Hakuna aliyesema ilikuwa ni nani; niliona aibu. Alikuwa na ujumbe mzuri sana juu ya unabii, kitu kama nilichokuwa nikihubiri usiku huu.

<sup>314</sup> Basi, kwa hiyo, halafu kulikuwa na mhudumu mwingine hapa asubuhi ya leo, ama usiku wa jana, Ndugu Smith, kutoka kanisa la Kimethodisti...ama kutoka kanisa la Mungu, huku. Sijui kama yuko hapa usiku wa leo, ama hayuko. Kama ukiwahii kusimama kwenye mimbara hii na kuangalia nyuma upande ule, kwa namna fulani ni vigumu kujua; ni tambarare, unaona, na huwezi kujua. Kama uko hapa, Ndugu Smith, tunakuthamini.

<sup>315</sup> Basi huyu, anayeketi papa hapa, maskini ndugu huyu kutoka Georgia, papa hapa nyuma ameketi karibu na Ndugu Collins? [Ndugu Neville anasema, "Naam."—Mh.] Nina furaha kukuona umekuja hapa tena usiku huu, ndugu.

<sup>316</sup> Na wengine wenu, ninyi nyote, kila mmoja anajua wewe ni nani.

<sup>317</sup> Ninaamini huyu ni yule dada na ndugu hapa ambao walienda na kumwombea yule msichana wakati ule, papa hapa, daktari anayeketi hapa kando. Bwana akubariki, daktari.

<sup>318</sup> Sasa, tafadhalii msijisikie nimewaudhi, ninyi wahudumu na ndugu, kwa sababu ya vile ninavyolisisitiza jambo hili kwa nguvu niwezavyo. Hii ni maskani yetu. Hayo ndiyo tunayotetea,

nasi tunataka kuiweka moja kwa moja kwenye Neno hilo, na kuwatikisa Kwalo. Halafu, kama ukipata kutoka mstarini, tutarudi na kusema, "Ulijua vema zaidi. Hili hapa kwenye kanda." Mnaona? Hivyo ndivyo ilivyo. "Hili hapa kwenye kanda."

<sup>319</sup> Tuna mengi sana zaidi tunapaswa kuyaendea, basi, Leo. Lakini, lakini tuta-... Mna kiasi hicho. Dumuni moja kwa moja na Hayo, nasi tutapata yaliyosalia baada ya kitambo kidogo. Kama vile yule mtu alivyokuwa, akila tikiti maji, kasema, "Hilo lilikuwa tamu sana, bali kuna jingine zaidi la hilo." Kwa hiyo tuna mengi zaidi Yake, bado, yanayokuja.

<sup>320</sup> Bwana awabariki, sana sasa. Wakati tuna-... Tutakuwa na ibada ya ubatizo sasa hivi. Sivyo, Ndugu Neville? [Ndugu Neville anasema, "Ndio, ninaamini hivyo."—Mh.] Kuna mtu hapa wa kubatizwa sasa hivi? Hatujali wewe u nani; sisi—sisi tuko hapa kubatiza. Inueni mikono yenu, hao waliokuwa wabatizwe. Mtu fulani, naamini ilikuwa... Huyu hapa bibi hapa. Basi kulikuwa na mwingine? Naam, tuna nguo hapa za wanaume na wanawake.

<sup>321</sup> Sasa, sisi hatusemi, "Ondoka kwenye kanisa la Kibatisti. Ondoka kwenye kanisa la Kimethodisti." Hatusemi. Rudi moja kwa moja kanisani mwako. Bali kama hujabatizwa kulingana na Maandiko, katika Jina la Bwana Yesu... Si katika Jina la "Yesu" pekee, sasa. Katika Jina la "Bwana Yesu Kristo," hayo ni Maandiko. Umebatizwa vibaya.

<sup>322</sup> Sitaki shida yo yote nitakapofika mtoni. Ninataka kila kitu kiwe dhahiri niujuavyo mimi, ninaposhika tikiti ile, mnaona, maana ninataka kupanda meli wakati ule. Ningewashauri mfanye jambo lilo hilo.

<sup>323</sup> Rudi kanisani mwako. Hilo ni juu, kati yako na Mungu. Hivyo ndivyo tu ninavyowenza kuwaambia.

<sup>324</sup> Lakini hakuna mtu katika Maandiko aliyewahi kubatizwa kwa njia nyingine yo yote ila katika Jina la "Bwana Yesu Kristo." Na hao waliobatizwa, waliamriwa na Mtakatifu Paulo, aliyesema, "Kama Malaika alihubiri jambo lingine lo lote, na alaanive." Akawaamuru waje wakabatizwe tena, mara nyingine, katika Jina la "Bwana Yesu Kristo." Hiyo ni kweli. Naye akafanya jambo hilo. Basi alilofanya, alituagiza kufanya; na jambo hilo ndilo tutakalofanya, Mungu akipenda.

Tunaamini katika kutawadha miguu. Tunaamini katika ushirika.

<sup>325</sup> Tunaamini katika Kuja kwa pili kwa Kristo, mwili unaoonekana wa kibinadamu wa Bwana; si Roho, bali mwili wa kibinadamu wa Bwana Yesu akija tena katika utukufu.

<sup>326</sup> Tunaamini katika kufufuka kimwili kwa wafu, kupokea mwili, si mzee na wenye makunyanzi kama tunavyoenda

kaburini; bali mpya, katika kipeo cha furaha ya ujana, tukaishi milele.

<sup>327</sup> Tunaamini katika kutokufa kwa nafsi, kabisa. Tunaamini kuna namna moja tu ya Uzima wa Milele, na huo ni Uzima ule unaopata kutoka kwa Kristo Yesu. Hiyo ni kweli kabisa.

<sup>328</sup> Kwa hiyo, hatuamini adhabu ya Milele. Tunaamini katika moto wa jehanum, kiberiti kinachowaka, bali hatuamini unawaka milele; kama unawaka, wewe una Uzima wa Milele. Kuna Uzima mmoja tu wa Milele; Huo huja kutoka kwa Mungu. Hiyo ni kweli. Utachomwa moto, labda kwa miaka milioni moja, miaka milioni kumi, sijui, bali huwezi kuwa na Uzima wa Milele. Huwezi kuungua milele... Unaweza kuungua milele, bali si Milele dawamu. Mnaona, kuna tofauti kati ya Milele dawamu na milele. *Milele* ni milele na milele, kiunganisho, inamaanisha “muda wa wakati.” Lakini, Milele dawamu, huna adhabu ya Milele dawamu.

<sup>329</sup> Una Uzima wa Milele, maana kuna namna moja tu ya Uzima wa Milele. Naye aliye na Uzima wa Milele, anaishi na amebarikiwa na Mungu milele.

<sup>330</sup> “Bali nafsi itendayo dhambi, nafsi hiyo ita-...” Nini? [Kusanyiko linasema, “...kufa.”—Mh.] Hiyo ni kweli. Basi, haina Uzima wa Milele. Bila shaka. Ina—ina adhabu yake, bali si Uzima wa Milele.

<sup>331</sup> Kwa hiyo, mnaona, bado kuna mambo mengi ya kufundisha, tutayapata baadaye. Bwana awabariki.

<sup>332</sup> Sasa hebu tuimbe wimbo huu mzuri wa zamani, wakati dada yetu akiingia kule ndani. Naamini bibi huyu hapa huenda...

<sup>333</sup> Rosella, huyo ni mama yako? [Dada Rosella Griffin anasema, “Ndio.”—Mh.] Mbona, nakutakia heri! Ninafurahi kukuona dada, ukifanya jambo hilo. Hilo ni sawa kabisa.

<sup>334</sup> Rosella Griffin, mmoja wa marafiki wazuri sana tulipata kuwa nao. Yeye ni kijana mwanamke aliyekuwa na ugonjwa wa ulevi; kwa baadhi yenu enyi watu hapa, huenda akawa ni mgeni. Rosella hajali nikisema jambo hilo. Alipokuja jukwaani kule kwenye—kwenye mahali ambapo...huku Indiana. Kama umewahi kuona sikreb ya mtu, alikuwa mmoja wao, mlevi wa kupindukia. Ambapo, madaktari wanne mashuhuri wa Chicago walisema yeye ni... Shirika la Walevi, na wengine wote, walimkatia tamaa. Bali usiku mmoja alipokuja mkutanoni, Roho Mtakatifu aliyaeleza maisha yake na kumwambia papo hapo. Hilo lilitosha.

<sup>335</sup> Mwangalie sasa, nafikiri, mwenye umri wa miaka thelathini na kitu, angefikiriwa ni wa kumi na minane; kijana mwanamke mzuri na wa kupendeza. Hajaonja wiski tangu wakati huo; hana tena tamaa yake. Anamwishiia Kristo, akipita mitaani, kila mahali, akishuhudia utukufu wa Mungu, kwa wenye dhambi na

walevi wa kupindukia, kote kote katika vichochoro, ko kote kule, kila mahali Chicago, akifanya jambo fulani kwa ajili ya Bwana.

<sup>336</sup> Alibatizwa katika Jina la Bwana Yesu, na mamaye anakuja usiku wa leo kufanya jambo lile lile; kama Mungu aliweza kumponya, kama Yesu aliweza kumponya... “Lo lote mfanyalo kwa neno ama tendo, fanyeni yote katika Jina la...” [Kusanyiko, “...Yesu Kristo.”] Hivyo ndivyo Biblia ilivyosema. Hiyo ni kweli.

<sup>337</sup> Vema, sasa tutakuwa na ibada ya ubatizo. Tutazima taa kwa dakika chache tu tunapo jitayarisha kwa ajili ya ibada, kubatizwa, ha—halafu basi tutatarajia wakati mzuri katika Bwana.

<sup>338</sup> Utafanya ibada ya ubatizo usiku huu? Vema, afadhali—afadhali ujitatayarishe. Nami nitaanza, nitaongoza nyimbo na kadhalika tunapoendelea basi. Wanapoji—...[Ndugu Neville anasema, “Kuna nguo zo zote huko nyuma, Doc?”—Mh.] Nguo za ubatizo, Doc, upesi sana. Vema.

<sup>339</sup> Hebu tuimbe mmoja wa hizi ninii nzuri za kale... [Ndugu Branham anaongoza nyimbo za kusanyiko, huku Ndugu Neville akimbatiza huyo dada—Mh.]

<sup>340</sup> [Mahali patupu kwenye kanda—Mh.] Na hata tutakapofanya jambo hilo, tunapoondoka, inatupasa kufanya nini?

Peleka Jina la Yesu  
Tunaliinamia,  
Ndiye Mfalme wa wafalme, tutamvika taji,  
Hakika ya maisha.

Vema, tusimame!

Peleka Jina la Yesu,  
Po pote uendapo;  
Litafurahisha moyo...

<sup>341</sup> Nitawaambieni tufanye nini. Geukeni moja kwa moja mkapeane mkono na mtu fulani hapo, na kusema, “U hali gani, ndugu? Bila shaka nina furaha kuwa na uhusiano nawe.”

Thamani, na tamu!  
Ni Jina Lake Yesu;  
Thamani, thamani, Na...



*UZAO WA NYOKA* SWA58-0928E  
(The Serpent's Seed)

Ujumbe huu wa Ndugu William Marrion Branham, uliohubiriwa hapo awali katika Kiingereza mnamo Jumapili jioni, Septemba 28, 1958, katika Maskani ya Branham kule Jeffersonville, Indiana, Marekani, hapo awali ultolewa kwenye kanda za sumaku na kupigwa chapa bila kufupishwa katika Kiingereza. Hii tafsiri ya Kiswahili ilichapishwa mwaka wa 1996 na Voice Of God Recordings.

SWAHILI

©1996 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Ilani ya haki ya kunakili**

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)